

國權

崇禎四年至六年

辛未崇禎四年

正月乙亥朔 上下御殿是日風霾

丙子吏科給事中顏繼祖言故事歲莫祭太廟陪祭官子初  
既朔早赴午門謝昨文武僮十餘人西班牙一御史朋友之  
饋非祭肉不拜友既如此况君賜予陪祭則印纍綬若謝昨  
則落晨星臣所不解也 上切責諸臣宥之



鹽官談遷孺木著





刑科給事中具執御言加派不可 且云近日議者皆憑臆  
而作繆語推者皆隨擊而循當事備以 皇上日月照臨其  
上復賜宸斷以行諸臣誰敢不竭其肝胆即大臣誰敢執私  
意以熒惑乎 上責其回奏  
己卯夜盜陷保安副總兵張應昌擊賊斬百七十三級神一  
元屹第一魁領其衆

庚辰刑科給事中具執御言掣籤之法創於家臣孫玉楊以  
探凡之智為挈瓶之守在當日公行之尚失政體况近日假  
公以濟其私乎時請宸斷罷之此治吏第一義也若抗按所  
奉卓異諸臣乞進之於廷或詢以時政人才或地方利病俾

批實口對曰察其賢否才庸而甄別焉則 皇上之日遇賢  
於諸臣之耳食百倍矣命部議

辛巳覆試順天貢士俞世灝金允治高岱：除名  
壬午督師大奉士孫承宗出關由前屯寧遠抵松錦庚寅由  
三道關歷石門燕河偏關三協十二路由石塘路過平谷經  
盤山入薊州而還條上邊事曰先任封疆大臣曰精擇八部  
大帥曰劉鎮懌守曰遼鎮懌戰曰合劉遼鎮守曰復城曰防  
棟漢 上善之於是有大凌河之後議脩築兵部尚書梁廷  
棟宝主之後廷棟去朝議撤工承宗曰且未撤兵敵至而戰  
上策之批見糧以守中策也安空城疲敵寇下策也



癸未流寇掠平陽

甲申吳乾御復奏臣見戶部題覆云今日生財無踰加派夫古今生財雖曰多端有以賦民為生財者乎所謂馮臆而作謬語也去年十一月兩廣總督閔吏部會推戶同舉奉旨回話借墨縶以解當日皆銓臣執拘主推而預推諸臣唯：惟命所謂隨聲以徇當事也若以二事私乎非私乎熒惑有其漸矣 上責其支飾

巡抚河南右僉都御史劾土膏罷

右中允兼編修黃道周奏救錢龍錫調外初逆瑞一案諸奸憾龍錫欲借袁崇煥二起一逆案以相報因龍錫以羅及諸

臣周延儒溫體仁實主之欲發自兵部而尚書梁廷棟不敢任又 上英斷不能遽起大獄也至是道周疏上延儒意稍解

己丑顏繼祖乞武進士未授秩者給銜盡東征聽遼東登萊二撫調遣下許

庚寅王嘉胤渡河掠萊園溝副總兵魯文詔擊却之斬三百二十六級

甲午進午門大朝覲

丙申給事中吳執御復言理財加派原不得已之心而姑行之然未有不即為停止者至相助搜括二者尤難為訓 上



以加派原不累貧捐助聽之好義惟搜括滋奸若得良有司  
奉行撫按稽察六豈至病民乎

諭曰陝西屢報飢荒小民失業甚至迫而從賊自罹鋒刃誰  
非赤子顛連若此今特發十萬金命御史前去酌彼災處次  
第賑給仍曉諭愚民即已被脅從誤入賊黨若肯端正即為  
良民嘉與維新一體收恤

己亥遂命御史吳姓賑陝西飢民招抚流盜

余大成何應瑞為右僉都御史巡抚山東河南

戶科給事中杜三策奏臣於三年六月抵閩造船委中軍楊  
鍾會於廣南買物料出洋被劫訴於海道下廣州知府徐在

中訊其真偽而囚之且杖死以快賊乞嚴究在中等從之命  
逮在中下法司論死

罷總兵杜文煥以去冬在延川縱部將李重榮殺鄉民曹孟  
孝等男婦百九十九人知縣王道行呈驗於按察使李天經  
御史吳姓劾之

內監鄧文詒許奏劄遼總督曾文衡

上召輔臣九卿吏科都給事中劉漢儒河南道御史喻思恂  
及各省監司於文華殿召浙江按察副使周汝弼問浙閩相  
連海寇備禦之策對曰去秋寇掠海上五日即去問江西右  
布政使何應瑞按察使僉事王維夔爾省派宗祿何以不報



應瑞曰江西山多田少而且瘠抚按查覈有司尚未報耳

問湖廣右布政使杜詩按察使范中彥尔楚去夏民變樹旗  
事詩曰樹旗之後地方仍安 上曰須覈之以杜來患問福  
建左右布政使吳暘陸之祺海寇備禦若何暘曰海寇與陸  
寇不同故权抚之但官兵徂抚為安賊又因抚益恣故數年  
未息也 上曰前抚李魁奇何又殺之暘曰魁奇非鄭芝龍  
比即抚不為我用以其要挾及側貽害地方今鐘斌雖抚知  
不就抚 上問實計安在之祺曰海上官兵肯出死力有司  
團練鄉兵多設大器剿之不难問河南左右布政使楊公翰賈  
鴻洙以收稅耗重宜參有司鴻洙曰近奉嚴旨稍革其弊問

廣東左右布政使陳應元焦源溥曰尔首負宣大邊餉數十  
萬何也應元曰近已解納 上曰宣大重鎮兵餉急需可

速完也問山西按察使杜喬林流寇事曰寇在平陽或在河  
曲近聞漸渡河去惟河曲尚梗須大創之但兵寡餉乏耳

上曰前言寇平何尚阻也曰山陝隔河突去突來故河曲被  
困問河曲之陷曰賊未嘗攻失於內應問導賊何人喬林曰  
大抵飢民為之今不早圖有誤因事問陝西叅政刘嘉遇以  
流寇曰流寇由兵餉不足故難勦耳 上曰前報寇平何又  
橫也曰寇見官兵即散退復嘯聚 上曰寇亦我赤子宜抚  
之曰今正用抚 上曰

于順既降何又殺之曰雖抚仍



掠其僂也 上曰若然何不於未抚前殺之乎曰臣時未  
任問此寇出何地曰奉延綏逃兵臣十一月十二日入覲聞  
初六日總兵賀虎臣殺賊六百餘總兵杜文煥殺二百餘問  
近日何如曰一在延安一在雲岩宜川 上疑思久之命退  
問廣東左布政使陸問禮按察使孫朝肅以問禮已陞南贛  
巡抚 上曰南贛多盜若何對曰行保甲練兵士庶几弭盜  
上曰須實效宜言何為問海寇若何曰廣東海寇俱自福建  
突至舟大而火器兵船難敵但守海門勿令登陸則不為  
害問澳夷利害曰火器可用人未可信問廣西布政使鄭茂  
華李守俊以靖江王府爭徃何也茂華曰靖江憲定王二子

履祥履祐守俊曰履祥妻楊氏未娶之先妻曾氏先生子玉  
哥因不繫奏選之妾故未報生請名其後履祥沒故憲定王  
請立履祐為世子 神祖許之今玉哥長矣故爭耳問貴州右  
布政使朱芹以安位事曰安位求抚督臣原責四事一擒奢  
酋一獻樊虎奢寅妻馬氏子阿甫一令送巡抚王三善之柩  
一責削地安位謂既通九驛非得水利地方難供糧馬督按  
二臣又不輕予故議未決耳已召各官諭以正已率屬愛養  
百姓朕自有顯擢否且不貸各臣退謝又召左都御史閔洪  
李左副僉都御史張提高弘圖至諭洪李曰卿初任首疏甚  
善但未實行御史巡方問繫甚重巡按賢則守臣皆賢百姓



受福若巡按不肖其誤非小屢諭申飭四道考覈何近日俱  
云称職 上曰今後庶覈又曰卿與吏部實心任事天下可  
治乃退

癸卯副總兵曹文詔擊王嘉胤斬三百二十六級

寧武總兵孫顯祖言聞喜稷山賊二十餘萬日勦日益官兵  
不過二千奔逐不支乞再發京營或調邊騎五六千夾剿命  
下兵部委諫督專制總督張宗衡以兵餉並之事竟不行

二月乙巳朔召廷臣於平臺

己酉大學士周延儒何如寵主禮闈

辛亥夜定邊營降丁大譟蓋關餉五旬各求給散守備張天

禮同遊擊馬科巷諭乃安降丁仍逃二百餘人亦前曹文詔  
所收山西降盜也

壬子總兵賀虎臣杜文煥等合軍圍保安神一魁勾發虜千  
餘騎突圍出諸軍怯走一魁糾衆數萬劫寧夏都指揮王英  
兵潰各道將兵進擊寇棄城南奔

戊午神一魁至慶陽破東關游擊伍維藩等擊斬五百餘人  
己未叅將張全昌以巡撫練國事令邀洛川郿州之賊至是  
戰於梁家嶺敗之斬四百六級

庚申戶部告急請帑不許

壬戌四川達昌夷羅一千餘人作亂



丙寅福建流寇數千自長汀賴坑突犯瑞金縣教諭王魁春  
署邑事諭民兵禦卻之擒三十餘人斬四十餘人寇走福建  
古城

丁卯刑科給事中吳執御言督學綱紀多紊校近多徇情臣謂  
宜慎擇其人於未任之先責以久任歲貢應勅提學歲選年  
壯品純者送廷試錄用老邁即題授冠帶不必赴京人漢武  
設太學博士唐制即縣有學宋制州縣教授共五十三員我  
朝遠踰前代郡縣儒官多至四千餘員名器稍濫竊見順天  
應天附郭宛平大興上元江寧四縣總於府學今將各府附  
郭州縣學俱併府學不減其廩增附額但以府學教授五人

董之各州縣學有學正教諭加訓導一餘可裁省命下部議  
戊辰白貽清為右都御史巡抚甘肅

流盜萬餘圍慶陽府城前鋒抵寧州寧州告急時慶陽獨推  
官馬一荀已罷職楊鶴在卯乾不即援且君盜又南窺涇陽  
三原而韓城澄城各盜分犯不知其數

給事中葛應斗糾御史袁弘勳錦衣衛都督同知張道濬通  
賂竊權命下獄弘勳受溫處叅將胡宗明及戶部主事趙建  
極賄囑於兵部尚書梁廷棟吏部尚書王永光而廷棟謀代  
永光弘勳道濬為永光所任按賍俱有跡弘勳成

道濬  
戊代州



己巳官兵追歸城盜於葭州斬四百餘級

庚午刑科給事中吳執御論吏部尚書王永光誨貪崇壘急退之以全末路不允

壬申神一魁陷合水縣

三月乙亥朔丁丑張應昌擊神一魁擒斬二百三十八級鄉兵斬百餘級慶陽圍解時詔招一魁散餘黨千人

己卯賊渠劉全劉鴻儒求抚

壬午京師大風霾

吏部尚書王永光罷

癸未賊渠孫繼業茹成台等六十餘人來降合水知縣蔣應

昌并保安縣印總督楊鶴受之令固原知州固日強於城樓上奉御座賊怒拜呼萬歲鶴因宣聖諭同往關將軍廟令設誓諭各解散或歸伍或歸農郡盜自此輕視總督如兒戲矣其衆數萬人皆勾魯辯髮

巡抚山西右僉都御史宋統毅請兵餉及行糧功賞鹽菜之

山西留驛站裁撤

寧武總兵孫顯祖回鎮都司劉敏元以三百人剿靜樂盜逃回督道臣索餉監視太監孫霖論解之宋統毅論顯祖老賊張應昌代之御史郭必昌上言寧武之兵逃靜樂逃永寧逃寧鄉凡三尋罷統毅聽勘



己丑策貢士吳偉業等三百人於建極殿賜陳于泰吳偉業  
夏曰瑚等進士及第有差

戊寅東川盜攻嵩明

甲午大盜劉五扼鉄角城張孟金聚芦保嶺衆各萬餘苦飢  
於是鉄角城盜犯平涼固原蘆保嶺盜犯耀州涇陽三原薄  
寧州分犯環縣

己未巡抚練國事剿盜中部縣斬百二十級盜南走

戊戌張宗衡為兵部右侍郎總督宣大軍務

盜陷武安監西濠之逸賊走平涼掠上鄜追兵稍不及遂入武  
安監、正兵三十道

己亥賊詐稱官兵襲華亭縣知縣徐兆麒遁殺教官卸邦榮  
越二日去之時曾文詔王性善以賊圍莊浪剿之故得乘虛  
而犯也

庚子工部左侍郎沈演言臣累疏建堡聚民之法以民察民  
自無遺奸耳目者衆內應何從非止本計亦兵机也從來治  
流賊之法勝之易定之難法在安插相其曠土隨在附藉此  
安內必用之策也以遼民室遼土以遼土贍遼兵能開屯者  
即与為世業屯有軍屯有民屯此外攘必用之策也遼故有  
鹽軍鹽場鹽額道臣陳新甲料理有緒特在興復之耳抑幹  
濟頭才、為世土積偷之後法當糾、以戾無偏党即正有



係援卽邪人自有真賢否國自有與利害乞勅中外令條上  
便宜不論在官在籍卽高士如陳繼儒真品如舒曰敬等行  
為世儀奉饒經濟皆得各陳所見言而可行而可績卽為  
真才 上是之 諭曰陳繼儒等果否奉識可備採擇該部  
併議

辛丑閏洪季為吏部尚書

癸卯楊鶴給降人票令各還鄉其豪千餘人以叅將吳弘器  
領之駐寧塞魯猶恃前約助神一魁出擊絕之而宜君雖  
川盜又蜂起矣

平涼回原回羅作亂勾賊恣掠道臣王振奇徐如翰剿平之

賊目黃友才遁

初遵化兵五百人從畿南雄縣大掠而南自臨清濟宣入秦  
安又折而東北至章丘東關聞省城有兵乃從丁河口入海  
東道抚按余大成高捷俱報逃海中必塋魚腹時皆笑之火  
成如聲如噴然

副總兵曹文詔擊賊於栗園大敗之

四月甲辰朔丁未流盜攻圍莊浪總兵曹文詔楊嘉謨遣固原  
都司靳桂香游擊曹變蛟馮奉刘成功平安守備李登榜金  
守亮等追及張麻村敗賊追二十餘里斬二百三十餘級會  
甘肅副總兵李鴻嗣叅將莫与京等隨固原副總兵王性善



亦至又斬二百九十八級賊走長寧驛追之咸宜關又斬一百二十九級追之隴州隴安賊且掠且行將回向寧羅游擊曹變蛟楊先烈等邀斬三百五十餘級賊尚四五千從靜寧州萬馬關石門宋家店四掠走維水城賊二騎射依山負險窮追甚難而平涼隴州華亭武安莊浪靜寧等難民計數萬御史吳性升請賑銀已無及矣

庚戌遣大臣祭郊壇穰旱諭群臣脩省

諭兵部申禁硝磺銅鐵軍器出境下海 諭多寡俱象示

癸丑陳于廷為左都御史謝陛為南京吏部尚書徐良彥為南京工部右侍郎

甲寅陝西巡撫練國事剿盜柳材斬二百餘級越宿於上峪斬二百級

丙辰張廷拱為右僉都御史巡撫大同  
總兵王承恩擊潰澗賊斬百七十六級

丁巳夜月食

己未賊渠神一魁降於楊鶴：責數其罪俱伏謝一魁破寧塞新安保安合水圍靖邊慶陽有騎五千可亢戰鶴修其事乞賜一二萬金賑濟又止巡撫練國事北征國事至中部報宜雖盜先後斬五百二十餘級盜求撫從之其脅從者多後德清澗米脂之飢民各給印票回籍其頭目隨營安都司父



穆處置

刑科給事中吳執御劾宣大總督魏雲中陝西總督楊鶴惟怯玩愒上責雲中等平盜自贖時言官交論鶴：疏引咎且言臣子嗣昌前河南汝州道去冬調霸州列未半月復調關門今葺人輒曰边才一日未歷边陲何知其堪臣既誤矣臣子豈容再誤釋前工部尚書張夙翔左副都御史苟應昌御史李長春給事中杜承芳都督李如楨獄

夏允彝曰論者往：以通魯罪李如楨二屬大苛如柏敗後如楨即以大金吾出鎮不過以孝廉五六人俱計皆寓其宇下疏奉之即因而用焉鳥已太草：熊廷弼至即糾如

楨之大罪下獄擬辟言亦大過然人皆以李氏素有名積謗所集無有一人覽之者如柏既死如楨自分死無日矣思宥之夜出獄家寓城外久不相通忽而叩門家人皆駭以為夢中事也後遂續其寧遠舊封古人云記人之功忌人之過宜為君者也 烈皇帝之謂乎 早諭修省

改巡檢司印以檢為簡文犯御諱也

副總兵曹文詔都指揮馬科曹變蛟艾萬年等克河曲斬一千五百七十餘級兵械騾畜以數千計

傳宗龍為右僉都御史巡抚順天莊祖誨為右都御史巡



抚應天

兵部尚書梁廷棟免

甲子吳執御言大季士錢象坤端慈清流不得以梁廷棟累之報聞

乙丑臨洮副總兵蔣一陽遇流盜於清水縣戰敗失亡數百人把總徐承斌死之都指揮李宮用見執總兵曹文詔楊嘉謨自隴州邀盜於麻鎮相待人遺諭帖以間之盜相疑殺渠帥江君友

丙寅王承恩擊賊於甘泉斬二百四十餘級

丁卯巡抚洪承疇令守備賀人龍勞降者酒降者入謝伏兵

斬三百二十人

己巳曹變蛟楊光烈遇盜雖水城西擊走之追至靜寧州斬二百四十九級盜奔華亭

庚午盜陷興平執知縣荆廷鈺

御史吳姓賑飢前至延安次延長寇聚城下諭以禍福安同知趙鶴年分賑其圍遂解又至延川游盜聞之回受賑又至清澗尤困降盜党熊四百餘人給餉如兵綏德衛其困如清澗云州之西河驛通山西永寧州雜取鎮城藉之以晉兵扼渡船阻益困時抚賊四十有奇米脂民從盜十之七亦就賑閱而收之三千有奇



辛未諭刑部以矜疑欵恤惟錢龍錫不許言官屢以為請  
降盜張存孟擁衆脅糧賞復攻米脂葭州守卒卻之榆林道叅  
政張福臻調總兵王承恩同孤山堡副總兵侯拱極都司艾  
萬年守備賀人龍等共三十人以獎一衛監之至葭州王家  
莊洪承疇張應昌亦至賊分兩營以待辛未壬申連戰賊始  
遁追至西川斬三百十級顛溺止等又擒渠帥李成林劉民  
悅官兵集於西川雙湖峪其地窰窖六十有四皆天險元年  
米粟賊無窺之者於是任設防堵截張存孟懼率百十騎  
逃關山嶺馮科擊之又逃會峪止二十七騎渡河守備孫守  
法方英擒之盡殲其騎其脅從十餘人全歸農

五月甲戌朔

上憂旱歲禱南郊

乙亥總兵王承恩擊且川賊斬二百十五級餘賊屯頭山鎮  
又斬四十五級渠帥王成功乞降餘賊走宜君其衆二萬官  
兵又斬二百四級

曾變蛟追寧塞遺賊於唐毛山見山勢險隘從山上下射賊  
不支四潰斬六十九級擒六十餘人賊仍奔華亭四戰皆捷  
先後斬四百餘級而寧塞之逸賊稍殺矣

丙子巡抚練國事趨寧塞值御史吳姓於魚河是日姓至榆  
林鎮以晉兵過糶斗米六錢草根木皮為盡人互相食姓曰  
秦榆林者天下之雄鎮也宿將勁兵出焉非他鎮比雜敗年



利商民欣赴初無損于晉若以防河為名而絕秦人之命恐老成謀國必不在此也

大盜趙勝以萬餘人掠韓城郟陽復窺芝川鎮靈州恭將張全昌以五百人戰三日共斬三百餘級賊走鄜州中部巡抚練國事復同張全昌趙大胤夾攻斬六百餘級賊走時榆林連旱四年延安飢民甚眾西安大旱練國事更請發帑賑濟下報趙勝尋降於清問

庚辰沈演為南京刑部尚書張廷登為南京右都御史王志道為左金都御史

禮部尚書李騰芳致仕

釋故大孝士錢龍錫獄戍定海衛龍錫出獄周廷儒即過之極言 上怒甚有可譴甚多御豈能尽知之語挽回殊艰龍錫極感之未几温體仁至龍錫目述廷儒語體仁曰 上固不甚怒也於是聞者遂謂體仁質直廷儒虛偽然亦體仁之巧於擠廷儒也嘉善錢士升生平端謹龍錫其座師也聞體仁語頗重之而輕廷儒體仁遂与相結

癸未給事中吳執御言昨見計臣疏稱歲額四百萬今加至七百萬闕額尚百六十萬則餉猶未裕也復加則累於民不加則害於兵前年遵永之變袁崇煥王元雅皆以數百萬金錢數萬兵馬狼狽失守史應聘張星王象雲左應選各以一



邑或破敵於狂逞之餘或坐鎮於嬰城之際繇此言之  
言餉不在創法而在擇人可知已臣妄謂北直山西陝西邊  
邑除見任科甲並續應留外餘平常各官赴部改選勅吏部  
選補進士界以本地錢糧便宜行事各隨所長精練士兵此  
法一行餉不取償於司農兵不借援於成卒計無便於此  
上以錢糧盡界本地餉兵則京解民運安出邊鎮莫資不  
丁亥秦盜屯黃龍山叔韓成德兵王承恩還鎮道擊敗之  
己丑初洪承疇抚盜王子順駐榆林巡按御史李應期誅之  
正月 上以問觀官因棠塘報以聞 上謂賊勢極甚招抚  
為非殺之良是命其姓嚴奏

是日雨

庚寅雨

壬辰前兵部右侍郎徐必達卒予祭塋贈兵部尚書

乙未黃汝良為礼部尚書甄淑為大理寺卿

丁酉延綏榆林大雨始有禾

盜殺海豐大安墟三百餘人六月七月再被害

庚子大盜張天琳來降選其驍悍者置營中散其餘党一萬

二千餘人給免死票路費即命其魁分勒回藉未教月背叛

去

談遷曰飢盜皆我赤子也邊卒王嘉胤等亦因游飢而起



榜腹為合其勢不固然必一大創之伏屍萬餘流血數十里震潰之餘及在其頸然後招抚而解散之始心悖魄奪而不敢為非蓋盜之利暫而害也踵之也今彼輩瞋目揭竿初惧官軍售首無暇屢植屐踟迷而不相避且格鬪屢闢之後謂官軍無如我何小勝則掠小怯則降旅聚旅散叛服不常則見盜之利而未值其害也夫八無智愚俱於利害之間思飢則死為盜則生秦人之所以相隨於練林者豈有穷乎

士宜流盜自白水深安進出者以餘人從慶陽攻中部署印同知鄭師玄告急楊鶴遣官招之是夜降丁內應城陷

小部即中李若愚請復建文帝廟號錄殉節諸臣章下部

大同襄垣諸縣兩雹大如卧牛如大石小如拳斃人畜甚衆

沿七鄉民作亂於壺關高平陵川宣大總督張宗衡剿平之

六月癸卯朔曾文詔擊斬王嘉胤於陽城

總兵王承恩敗賊於雒川縣斬一百四級

丁未大季士錢象坤罷熊明遇為兵部尚書孫穀為右金都

御史巡抚遼東

山東徐州大水

庚戌臨潁縣朱剗雷雨後忽風霾壞民居壓死三人即至杜家庄監生杜逢升主簿杜鳳儀家傾樓拔木器物尽失飄散



無跡壓死五人風霾漸至華家庄長五十餘步廣十五丈磚石磁器翔空落地止恙鉄器皆碎

癸丑王承恩敗賊於石堡川斬百二十六級餘奔澄城界

甲寅官兵取賊於孤堡斬一百九十五級

丙辰淮安楊徐濟寧大雨水壞民居田稼

丁巳官兵戰郟陽斬賊百餘級

辛酉巡綏西協副總兵張應昌兵備道戴君恩以賊張孟金

伯齊蘭二頭目謀襲清邊先邀之值於真水川空口敗之追

至中湖小後遇賊二十餘人力戰射賊魁自廣恩墜馬又射

死張伏倉賊亂追斬四百十五級

壬戌前巡抚雲南右副都御史王恩茂卒雲南臨安衛人隆

慶二年進士拜御史歷今官年八十六

癸亥流賊張孟金等萬餘人謀攻合水縣自甘泉之甄家灣

而東洪承疇率都司馬科等二千人追之丁卯追至甘泉山

中斬七十餘級遂乞降

己巳選庶吉士張溥等二十二人

蔣允儀為右僉都御史抚治郟陽

西虜犯延綏紅山官軍拒卻之斬百三十級

南京礼部主事周鏡請卹建文諸臣

七月癸酉朔甲戌馬科追賊至延川延水閣及延安副總兵李



早等合斬二百二十餘級賊走黃河濱溺死甚衆

總督楊鶴敗賊於澗州斬三百十三級降二千餘人

前南京工部尚書沈徽珩卒歸安人萬曆己丑進士予祭葬  
弘光初加贈太子太傅謚襄敏

丙子大盜萬餘復掘角城突出圍合水縣游擊陳光先前  
戍四百人同知縣施喬旗力拒之

武定府常勝營武卒官李璠襲殺逆酋張世臣於納棟

戊寅賊入東關游擊陳光先率兵巷戰斬七級逐走之曹文  
詔自慶陽以千八百騎赴救之花園寺聞砲聲疾馳賊迎戰  
俄四山伏起合圍文詔力不支文詔力闢突圍賊始敗之追

殺顯泉賊分路追驛馬關

慶陽推官馬一荀遣二隸投牒百城其隸偽製紅幟二報賊  
糾四十萬尅期攻首城云蓋神一魁白恨衛猶列若干人於  
總督故二隸黨以激變也

流盜掠鄜州刈營於太平原王承恩從三川驛往擊斬三百  
餘級遂以二十人降

吏科給事中孟國祚曾履泰各奏抗賊欺飾之弊國祚曰今  
日招抚原迫於計之無奈借此以寬目前而賊勢益橫有此  
處就抗彼處猖獗當事既言抚不肯更局必至於身名俱敗  
貽誤封疆履泰曰偷旦夕慶堂之安無制伏安插之道則彼



方為虎狼我奉之反為驕于低有借抗以張賊之謀以  
之名官兵亦束手而不敢動將草澤之雄窺見廟堂奉勅如  
此天下事尚忍言哉

庚辰宜川知縣馬自龍公出至雲岩鎮被大盜劉九思劫去  
脅而昇之入賊九思坐公署令三戶養一賊總督楊鶴聞而  
檄下始出走劇延道張九登請寬自龍戴罪視事巡按御史  
吳姓糾為托局所誤朝論譴之

壬午曾文詔李都司馮奉游擊曹慶蛟等楊嘉謨率叅將方  
茂功等尾賊於閔泉鎮賊二萬去鎮咫尺分兩營精騎待戰  
東西二溝伏步賊數千官兵分四營進銅川橋大戰久之文

詔身先士卒臨堅吏卒勅命追奔二十余里斬六十七級墮  
崖墜澗者七笑寧夏總兵賀虎臣赴援亦敗之賊遂不敢南  
窺而安矣

癸未逮總督陝西兵部右侍郎楊鶴下刑部獄明年成袁衛  
乙酉曾文詔楊嘉謨賀虎臣以賊襲鎮原縣窺平固關各赴  
救固原總兵楊麒亦至

丁亥進擊賊斬六百餘級賊奔東北似回巢然是役也合督  
抚四鎮之兵勞迨半月先後數十戰始斬賊渠餘賊潛匿山  
峪近安慶陽十里內暫安焉

甲午流賊六千餘人東渡山西副總兵曹文詔兵從之



丙申流賊二三千人屯石佛原謀犯平涼總兵楊麒遣剿  
庚子追至安口河擊斬百五十餘級明日至崇信寨斬六十  
餘級

辛丑賊陷中部縣初守道崔師維託盜田近菴等以六百  
人分駐馬欄山御史吳姓書止之無及矣及李老射亦臨菴南  
下攻中部田近菴內應而陷吳姓行次隆坊鎮去縣四十里  
隨遣總兵王承恩屯城北副總兵趙大維屯城西共斬千七  
百二十級

八月壬寅朔癸卯總兵賀虎臣前奉楊鶴檄剿慶陽賊計斬賊  
首劉六於環縣擊斬餘黨三百四十級癸丑又斬百四十四

級西路漸平

甲辰楊麒追賊白茅山斬五十餘級

乙巳清兵大舉圍大凌河城總兵祖大壽與何可綱固守

己酉洪承疇至平涼以鎮原賊恣掠發甘肅臨洮兵三千剿  
之

庚戌賊掠慶陽之方山蒲河洪承疇檄曹文詔楊嘉謨以三  
千人剿之至蒲河官兵登山發矢石賊迎戰斬四百三十八  
級而寧夏總兵賀虎臣慶陽叅將趙光遠來援諸將分駐保

安豐寨鎮萬安監西濠饒陽以防其逸各有斬獲

刑科給事中吳執御論庸輔周延儒攬權壅蔽徇私何地無



賢才而卒未易甲必出其鄉江南例止二廡常胡為併江北  
而奪之近日塘報奏章凡字涉夷盜边防輒借軍札密封下  
部明畏廷臣摘其短長他日收可以捷聞切可以罪案然墜  
敵不止此也去年吏部擬御史顧其國為府而延儒必以鄉  
人故怫然而勒陞溫國亦以是錄定切與同必欲斥詞臣黃  
景昉又黃道周清履不阿款借御試錄重處未遂其私遷怒  
儀郎 皇上以言路為治理之要六月一考凡部院議不敢  
延儒於新任始見即叙 皇上初意欲收教各因延儒委曲  
而止且公然謂諸臣不必急於私入如市李元功蔣福  
昌周素儒等夙夜入幕此豈大臣壁立千仞不避群小之所

為哉 皇上習見延儒稟擬摘發細事近於明敏遂爾推誠  
抑知延儒陰譎之尤意之所忻吐嗽雲雨意之所忻呼吸霜  
露實借稟擬以行其私乎 上切責之戊午執御再劾庚申  
又劾俱留中

大盜趙勝千餘人不愛托復入山西之永寧石樓榆林秦將  
苑攀龍神水秦將艾萬年孤山副總兵曹文詔追剿  
盜掠泌水縣東北有竇莊故張忠烈銓里居也初銓父尚書  
五典謂海內將亂築墻為堡甚堅至是賊犯竇莊銓于道濬  
道澤俱官京師惟銓妻霍氏守舍衆議棄堡去霍氏曰避賊  
而出家不保出而遇賊身更不 免苛死耳死千家不犹愈



危於野乎且我守堅賊必不得志躬率僮僕為守禦賊環攻  
堡中矢石並發滿賊甚眾四日乃退其避山谷者多遇賊淫  
殺惟張氏宗族得全冀南兵備王聲生表其堡曰夫人城  
癸丑諭武奉試技勇專取文藻  
沮大壽敗建師於五里莊

初巡按陝西御史李應期言秦賊旋旆而御史岳姓新  
代上命其確奏於是姓上言延慶地亘數千里土瘠民窮  
連年旱荒盜賊蜂起東路則王嘉胤攻破府谷渡河犯晉西  
路則神一元破寧塞破柳樹關破安邊攻保安一元宛第一  
魁繼之又破合水圍慶陽總督楊鶴本年移鎮寧州邊官招

抚安棟寧塞者四十有奇餘党糾結卷列六等眾不下數萬  
五月初總督離寧州賊已掠環縣真寧之間此保安合水之  
流孽也延安四載奇荒辺軍始亂於掠米脂綏德清澗脅從  
其眾儿於無民去秋流劫延南巡抚洪承疇方整飭東西兩  
路力不能反三月間賊掠宜川縣維水宜君中部等縣趙勝眾  
号數萬自山西回黃龍山西安北界韓城白水澄城蒲城郃  
陽教州縣被毒最慘此延北邊賊流毒西安者也五月總兵  
王承恩榆林道臣張福臻以勤王兵五千南剿賊望風潛逃  
總督移鎮耀州招安諸盜造名冊予路費待之殊厚張天琳  
等臨陣降於榆林道臣亦不下數百人賊見大兵在南遂徙



而北延川安定清澗綏德米脂吳堡葭州雖散原籍仍鄉村  
流劫於是官賊之誣人：恨招抚矣趙勝衆五六千在清  
澗之解家溝花牙寺旋抚旋叛慶陽却臨菴劉六等亦受道  
臣周日強之抚今攻陷中部者多其衆也又降賊見大兵之  
來已出韓城潼關道胡其俊犹追贖錢几十万賊復橫索一  
一洽之惟謹要挾重貨之說有自來矣為今之計惟集兵南  
北合剿殲渠魁而餘衆自破明賞罰而士氣自教秦事就可  
為也

流盜趙勝陷山西還州

許鼎臣為右舍都御史巡抚山西鼎臣上六事蠲租增餉明

賞罰勸忠義分信地破資格大抵沿習之語識者憂之

壬戌靖边道戴君思剿捕賊三百餘人於安塞平之

戊辰時總兵祖大壽破圍於大凌城巡抚立永嘉德兵宋偉  
吳襄率師援之永嘉懦弱屢易師期而偉襄不相能是日遇  
敵於長山襄營先亂我師敗績益軍太僕寺少卿張春被執  
先一日凌賊食尽何可綱語祖大壽可出以慰閣部自為文  
祭死之大壽以二十七人詣敵營約下錦州質其子而返

庚午官軍劫敵營祖大壽逸出徒步入錦州敵墮大凌城引  
去張春上書請款巡抚立未加彖表其事孫承宗曰春亦有  
鬚眉獨不聞其妻翟氏六日不食而自經乎士大夫不能死



兵朴此行屍而忍為閔說耶春被執不屈願求一死建慙欲  
殺之某力救慙亦歎曰非南朝讀書人不能也因出之某寺  
中日給饌春終不屈嘗元旦慙宴諸臣或曰今日頃張春一  
至慙曰罷、毋強此人也久之或携觴酌之春色喜為諸人  
講經史大義諸人多就正後疾卒至今東人言之無不歎服  
談迂曰張春被臨時以殉非聞詔贈右副都御史亡何書  
上追奪秩夫春實未嘗誅滕沅離殊域其志有足悲者此藉  
彼董寧可概論宋王健忠陷契丹上書言款即張春之前  
輩也健忠見泉春見疑勢有固然無俟言之畢矣  
洪承疇等大敗趙勝於山西桑落鎮

罷工部郎中孫肇與肇興監督盛甲厥以節詘且積負商人  
因疏劾監督太監張彝憲 上怒令肇興同監造太監劉守  
乾回奏肇興落戕

九月壬申朔山西流盜犯濟涼

己丑神一魁復叛颯寧塞縣初一魁降後頗窘用而茹成名  
生事度不能制謀誅之遣成名於總督所收斬之其党張孟  
金黃友才等疑惧挾一魁以叛劫叅將吳弘器縛守備范礼  
辯其髮焚掠橫甚官兵攻圍之賊食盡其党黃友才斬一魁  
以獻大盜劉國能張天琳刘九思等五部在宜川雜川韓城  
芝川鎮雲岩間恣掠副總兵趙大胤在韓城去賊營二十里



不敢出戰士紳強之出報五十級驗之則婦孺首半之也前  
中部之唐

壬辰洪承疇為兵部右侍郎兼右僉都御史總督陝西三邊  
軍務張福臻為右僉都御史巡撫延綏

陝西官兵逐山西賊決月共斬七百二十餘級都司王世虎  
守備姚進忠戰死

乙未僉太監張彝憲總理戶工二部錢糧唐文征提督京營  
戎政王坤往宣府刘文忠往大同劉允中往山西各監視兵

餉

遣總兵馬世龍以招降呂梅也

兵部覆試武舉奏技勇多不錄

黃友才迨追斬千一百七級餘賊千餘至環縣固原道斬四  
十六級賊奔萬安監

趙勝就擒即點燈子也起清澗綏德逞於延綏奔突韓城宜  
川雒川往來秦晉沿河郡邑多苦之至是伏誅平陽稍安巡  
撫洪承疇力也其党王自用馬守應惠登相張猷忠復肆

吳偉業曰語有之涓涓不絕乃成江河當賊初起夫正瓦

合倔强山谷間其偏祖大呼首事作難者不過嘉胤子順  
輩三數人耳而皆已撲滅中外大臣以為已得倡事者之  
首天下無事矣縱有餘孽州縣當就捕豈知後起之盛莫



不可圖哉

故刑部尚書薛貞故廷綏總兵吳自勉俱獄死

十月辛丑朔日食

甲辰劉宇烈為右僉都御史巡撫遼東

流賊復掠慶陽

丁未驗試武奉前監試御史余文燭馬如蛟蒞藉

復黑雲龍原官時溜建州重傷來奔

命太監 軍王應朝往閩寧張國元往薊鎮東協王之心中

協邵希韶西協

庚戌官兵復中部縣初六月甲辰總兵王承恩屢攻不下入

月癸丑練國事繼進辛未賊突出數百騎潰圍復勾慶陽大

盜郝臨菴等引眾數千自保安鎮來援謀截我糧道甘肅總

兵楊嘉謨自擢州至曾文詔及張福臻之兵俱至：是克之

流盜羅汝才陷宜川縣練國事在三水遣參將李卑馳斬一

百十八級賊遁

副總兵張全昌擊賊於合水斬八百九十七級即鉄角城賊

合於中部者敗於王承恩自宜君擢州走慶陽

辛亥封金鏗為岷王

乙卯命南京禮部右侍郎錢士升祭告鳳陽皇陵

丁巳左中允楊世芳列必達以主武關蒞藉初武場合合枝



勇策論燕優為最拔勇分力石三等刀自百二十筋至八十斤石自五百斤至二百五十斤策論優而拔勇稍劣次之拔勇優而策論不逮又次之榜出仍有言者遂下世考考獄改左論德燕侍講方逢年右中允燕編脩倪元璐與試与前榜同者三十餘人

壬戌巡視中城御史姚孫渠奏錦衣衛指揮項震貪下震獄訊之并責孫渠先提問後請旨以擅提職官降二級視事

癸亥楊一鵬為工部右侍郎

夜大風

十一月庚午朔賜武奉王來聘進士第一罷兵部郎中王陞員

外郎陸澄源等六人來聘歷昌平參將丙子死敵贈都督諭壬申刑科給事中吳執御上言祖大壽向謂莽男子耳今死守孤城義氣百倍而搦甲不至堂：中國將何以威視四夷乎軍法臨敵敗軍者死降者死黑雲龍負此二死一旦未歸其出塞年餘建州狡謀兵力宜無不知之可以密告 皇上以備捍禦之策不然續命之膏未易飲况乎黃金橫帶耶丙子流賊譚椎夜陷安寨縣賊覬邑富窳而知縣柴國弼固守至是因弼積瘁死經歷胡崇敷署印疎而老遂襲掠一空時大兵俱集寧塞故賊無所忌次日即出執諸生郭汝盤以求抚



延安慶陽大雪

丁亥太監李齊茂監視陝西苑馬茶馬兵直監視登募兵餉  
戎子右中允倪元璐上言武塢監試余文燔馬如蚊不能時  
設科條而因仍已事主考楊世芳刻必達不能細繹明旨而  
過拘少嫌此臣之所為罪也然其可原即在此何者事當創  
始未易精詳若人情弊悖貌則四臣斷不敢出此况今  
皇上所特收器元王來聘即前榜所收拔勇文章四臣皆能  
識之亦豈謂之不得人哉 上不听

庚寅王承恩擊賊斬二百九十餘級

辛卯督師大李士孫承宗還關門引疾命放掃

丁酉丘禾嘉仍以右僉都御史巡抚山海永平方一藻為右  
僉都御史巡抚寧錦樊尚燦為右僉都御史巡抚河南

南京礼部右侍郎錢士升奏告鳳陽望陵祀成上言鳳陽土  
地多荒廬舍寥落岡陵灌莽一望蕭然周咨其故皆言鳳土  
确瘠在江北諸郡為下下民居皆塗茨一遇水旱棄如敝屣  
挈妻擔子乞活四方戶口既以流亡逋賦日之歲積有司束  
於正額不得不以逋戶之丁糧派徵於見在之賦長於是賠  
累愈多而見在者又轉而之他矣昔李時之亂巴蜀棄於驅  
逐流民刊弘之抚荊州在於大給田種故流民之始不遇獨  
租寬負以守宰安集而有餘及其亂也至於選將調兵合群



力剽除而不足今天下賦重政苛民窮財殫而廢政施行宜  
先帝卿即特為蠲減不過太倉之稊米耳而可以招流止可  
以廣開墾生財固不奉積於此不報

己亥王承恩擊賊取之賊首羅汝才遂率眾沿水過河入山  
西

閏十一月庚子朔協理京營戎政兵部尚書閔夢得罷東廠太  
監宗晉戍孝陵

戊申流賊譚雄復擾安塞參將李卑駐兵城外總督洪承疇  
計戎若株守寧塞必至各處蠢動乃命副總兵曹文詔圍寧  
塞自率騎夜趨安塞城下壬子總兵王承恩亦自延安至即

誘譚雄等五人出斬之

癸丑夜盜陷安定縣大盜張存孟等三千餘人自魚河川因  
內應入之

戊午右中允倪元璐上言原任右中允黃道周奉行變至今  
代所希天為 陛下生此人仰佐天章黼黻一代不可謂之  
偶然也在今之時聞臣此說或以為疑可謂世人貴耳賤目  
若道周死後數十年天下推之必有甚於臣言者臣雖愚悖  
豈敢以身觸雷霆過情蕪物即 陛下釋之不誅臣亦恨為  
後世所非笑所以推奉本繇至誠道周而外原在順天府尹  
劉宗周漬恬鯁介今天下本無人得其人又不能用如此安



望天下有為 陛下奮其忠良者乎 陛下幸聽臣言近道  
周原官而出臣於外此猶棄瓊玖得良玉也 上不聽  
甲子王承恩克安塞斬五百三十六級擒六十二人  
乙丑王承恩進剿安定賊：潛走綏德清澗之間叛服不常  
降下陷甘泉縣劫餉十萬八千金殺知縣郭永圖河西道張  
允登戰死允登解民運銀為降丁勾盜掠為總督洪承疇聞  
之遣王承恩分剿而自以四百人赴甘泉以甘泉郡延咽喉  
也時賊日熾承疇日不暇給矣允登四川人萬曆庚戌進士  
知咸陽咸寧並有善政而不善貨緣房師湯賓尹惡之東林  
人又謂黨湯氏也奉卓異僅除刑部主事在劇此當荒盜之

餘備極勞苦士民聞變俱喪服哭迎聲徹十里罷市三日事  
聞

丁卯孔有德耿仲明叛於吳橋初東江劉吳治反屠皮島皮  
島田副總兵張燾與吳治內戚沈某合謀圖吳治未發會登  
萊巡撫孫元化荐叅將黃龍為東江總兵至島吳治遂叛元  
化以兵部尚書熊明遇督援急命叅將孔有德等以三千人  
從海赴關外有德遭颶風几斃迨歸復命從陸下勝怨望屯  
鉅平月餘進至吳橋六叛時僅步兵七百人破吳橋

戊辰孔有德圍陵縣破之  
副總兵張全昌於河津斬賊百五十七級韓城西境遂安



寧武總兵孫顯祖敗賊於方泉縣賊走夏縣洪水鎮佯乞  
夜襲顯祖營以有備而遁追斬八十五級

十二月乙巳朔庚午吏科都給事中顏繼祖上言考選科道二  
十餘人方重國課曰司農回奏混寫開復再煩駁查已列籍  
筆侍從之班杜門維谷殊多未便 上切責之時考選科道  
後更核在任錢糧於是戶部尚書畢自嚴下獄熊開元鄭友  
玄俱謫自後考選將反先核錢糧不問抚字專於催科此法  
制一變也

孔有德破臨邑

癸酉巡抚登萊右僉都御史孫元化劾親抚孔有德初元化

謂欲復遼土宜用遼人欲回遼心宜得遼將故徵遼將孔有  
德耿仲明等

甲戌孔有德連陷高河新城巡抚余大成不能禦稱疾遣材  
官往諭不聽遣中軍沈廷諭以兵往肩輿赴陣不事介冑而  
敗

李孫震為南京礼部尚書鄭宗周為右僉都御史巡抚天津  
前大李士孫承宗命冠帶閑住奪世廕以長山之敗生矯旨  
復城

官兵繫葭州賊斬九十七級

進祖大壽少傅左都督大壽守大凌城被圍日久食匱援兵



不赴遂以城降而身自逃歸或云已輸誠建州約歸即奉八  
城尽降故縱之然歸既為國堅守雖其子在建州不之顧也  
甘泉賊陷宜君縣又陷葭州兵備愈事耶景嵩死之

丁丑洪承疇聞變自西川疾馳會總兵曹文詔副總兵張全  
昌合剿

庚辰登萊總兵張可大至朱橋驛值孫元化還登州言抚綏  
已定毋西行蓋信其不及也可大叩其詳始知叵測仍西行  
元化竟檄止之

甲申刑科給事中吳執御請还原任兵科給事中魏呈濶原  
任南京雲南道御史李曰輔不許

己酉孔有德攻青州

陸完奉為兵部尚書協理京營戎政

總兵陳洪範鎮守居庸昌平

己丑前南京工部右侍郎何喬遠卒晉江人萬曆丙戌進士  
性廉介家居日釋經纂史文行俱高邁所著名山藏閩書數  
百卷不媿古良史年七十五予祭筮贈工部尚書

孔有德逼黃縣不及千騎餘俱烏合矢亦盡惜無禦者

庚寅孔有德攻登州初至登州泥水山困之孫元化今夜丁  
乙登雲書諭之有德始營山下夜攻城東南卻之初元化素  
諳西洋火器又召香山澳夷訓練賊窮蹙偽請降



總督洪承疇報抗賊張獻忠羅汝才等千九百餘人 上憂  
延綏賊蔓以陝西巡按吳甡請餉及洪承疇疏俱奉旨責  
戶兵二部不覆兵部尚書熊明遇請措二十萬金接濟秦中  
寧縣大雪五日凍斃人畜

辛卯孔有德回掠臨邑孫元化與遼將耿仲明定計招抚  
甲午總兵孫顯祖於河津聞喜六戰皆捷共斬五百八十餘  
級時卿寧被賊最慘聞喜次之叅將周應乾被執剖死  
戊戌盜掠永年縣

建巡抚雲南右副都御史王伉巡按御史趙洪範以沐氏土  
合尋若声作札

是年 上念孝純太后無御容命新樂侯劉氏求子弟貌似  
者圖之又繪 孝元太后御容於博平侯家並如前法迎入  
大明門 工早出百官多未至

楊士聰曰 孝純御容偶得於新樂之子弟既已奇矣乃  
孝元亦依倣為之豈倪天之姿定有一親屬宛肖以待夫後  
來之傳寫乎此等典禮決當諫止而竟無一人言者

日講官礼部右侍郎羅喻義講尚書惟我商王布昭聖武章  
送閣臣温體仁載其半以所引京營大閱也喻義執不可因  
上疏自明體仁言舊例惟經筵進規多於正講日講則正講  
多進規少喻義以日講而用經筵之例駁改不聽自媿不能



表率後進聖聰天縱喻義曉：多言遂命閑住

壬申崇禎五年

正月己亥朔大風霾

庚子登萊總兵張可大令副總兵張燾與邵國祚川兵共三千六百人戰城東燾兵忽戴紅巾反戕官兵殲焉游擊陳良謨死之

辛丑登州城陷時孔有德上書孫元化元化信其言午刻開門納張燾兵三百人蓋偽降也各官力阻不聽置於太平營夜漏十刻內應開東門殺官吏紳民凡盡執孫元化及海道宋光蘭監軍道王徵知府吳維城同知賈名傑蓬萊知縣秦

世英及鄉紳梁之垣拘於游擊耿仲明宅脅元化移余大成書求秦赦願恢復遼東賊更造舟募兵居七日適有舡航海

賊縱元化等歸

壬寅總兵左都督張可大衣冠登城 樓北向拜手及二妾

壁端題登萊總兵張可大死難 事聞贈太子少傅

予祭塋立祠曰旌忠謚莊節可大南京羽林衛指揮使孝友好古有駛雪壘詩集

初叛兵攻城登人告急宋光蘭曰自有防院元化曰別有計及陷叛兵欲殺光蘭因自叙清操而釋有德殺故河州判官張瑤後贈太僕寺少卿



延綏賊十餘人偽米商入宜君縣明日又至十餘人是夜賊  
攻南門內應陷知縣李迪康守備田恭把總馬騏等俱遁明  
日賊又引去後迪康論戍守備田恭論死

癸卯賊復陷保安縣又陷合水縣時總督洪承疇被劾巡按  
御史李應期奏洪承疇曉暢賊情任之就可展布也

流賊陷蒲州永寧且大掠稷山絳州太平霍州隰州吉州卿  
寧山西巡抚宋統毅提兵援剿巡按御史羅世錦歸咎於秦  
謂以隣為壑給事中裴君暘晉人也上言責成秦之抚鎮驅  
之回秦而後再議剿抚蓋當事之無定見如此

總督洪承疇請留陝西餉銀二十萬資剿費并以勸農從之

大盜黃友才逃鉄角城与郝臨菴等合營謀攻環縣署印寧  
州同知趙應閣惧而自經總督洪承疇貽書吳姓欲趣曹文  
詔張應昌兵自環而南楊嘉謨趙光遠兵自環而北大率合  
剿而詘於餉於是吳姓請增兵措餉命下部議

初寧塞逸賊合環慶諸寇陷鎮原縣知縣董三謨同妻李氏  
死之事聞贈光祿寺丞立祠旌李氏賊屯於蒲河欲犯平涼  
走鳳翔漢中陝西巡抚練國事自涇州馳赴固原檄固原道  
王振奇同副總兵王性善等截守各隘口檄平涼道徐如翰同  
副總兵董志義守涇州各要害又檄總兵楊嘉謨游擊趙光  
遠緝奸殺賊塘馬斫其耳目賊遂不敢出又食之互疑總督



洪承疇從薊州間道馳至慶陽曹文詔以臨洮兵二千至寧夏總兵賀虎臣兵六千會於西隴各夾擊盜大小十餘戰追奔數十里傷墜亡笑楊嘉謨斬二百二十五級曹文詔斬三百八十三級賀虎臣斬三十級王性善斬三百二十六級趙光遠斬九十七級而寧塞之寇悉矣練國事遂移鎮寧州時以西隴之捷為用兵來第一

吳偉業曰秦寇初發難也延綏以北為邊兵為邊盜延綏以南為土寇為亂民邊盜則神水之王嘉胤靖邊之神一元為魁而支蔓於綏德之張存孟延安之郝臨菴也土寇則西川之王子順苗美清澗之趙勝為魁而支蔓於中部

之李老豺延川之劉九思也延慶平几無淨土矣

夜常德府大火

甲辰羅汝元為右都御史巡撫浙江

庚戌故大學士劉鴻訓卒長山人萬曆癸丑進士崇禎初直

閣坐改勅書戍代州終於戍所訃聞許歸葬

辛亥孔有德陷黃縣

壬子楊嗣昌為右僉都御史巡撫山永

陝西巡撫練國事擊賊澄城斬三百餘級

癸丑巡撫山東右僉都御史余大成免

乙卯徐從治為右僉都御史巡撫山東謝理為右僉都御史



巡抚登萊

戊午洪承疇擊賊槐安堡斬四百三十級賊雖奔竄尚破華亭擾莊浪而官兵追捕漏刃破胆矣初韓城安塞安定諸寇承疇偕曹文詔先後清盪而鉄角城乃邊盜藪賊魁郝臨菴因援中部為王師所敗耕收鉄角城為持久計聞他盜尽平則震惧虎兕四錐予山之賊大敗遂斬郝臨菴蓋秦事自西隩捷後軍声大震曹文詔忠勇善戰承疇与下同甘苦得士卒心轉戰四載斬級三萬西人稍休息焉然二憊矣

己未山東巡抚徐從治入萊州同知府朱萬年治城守  
庚申叛兵薄萊州

逮故巡抚孫元化余大成後元化論死大成遣戍

癸亥威縣紅風晝晦

甲子陝西卿紳通政使馬鳴世等上言三秦為海內上游延安慶陽為關中藩屏榆林人為延慶藩籬無榆林必無延慶無延慶必無關中矣乃自盜氛以來破城屠野四年於茲良以盜衆我寘盜飽我飢盜利械彊騎而我無鉄甲壯馬內鮮及時之餉外乏應手之援揆厥所由緣庙堂之上以延慶視延慶未嘗以全秦視延慶以秦視秦未嘗以天下安危視秦而且誤視此流盜為飢民為降下也今勢燄燎原莫可撲滅若非庙堂亟增大兵措大餉為一勞永逸之計恐官軍驚於



東賊馳於西師老財匱竭竿誰禦天下事尚忍言哉乞勅所  
司亟措餉二十萬給民牛種為兵犒賞急圖安戢庶全秦安  
而各鎮安矣

降盜申在庭馬丙貴叛掘葭州之荷葉坪參將唐通以八百  
人擊走之斬百十二級又降盜党雄王得責以千餘人攻綏  
德州復掠州東之義合驛總兵王承恩擊斬二百二十餘級  
巡抚張福臻計誘党雄等八人斬之

乙丑刑科給事中吳執御奏荐黃克績劉宗周姜日廣文震  
孟陳仁錫黃道周曹于汴惠世揚高應昌羅喻義惟 皇上  
鑒而用之 上責其徇濫

丙寅河套著力寇以三百騎近塞稱揮漢虎墩寇求款總  
兵曹文詒在暗門同定邊副總兵張應昌同知趙之庠議未  
下卯前總兵孫顯祖有進丁誘定邊降夷內應措守東西二門  
招著力寇入之千總張射奎王希武出城拒截曹文詒等各  
擊斬百四十餘級千總李世科陣沒文詒奉檄還靖边初夷  
丁哈台吉原遼東海西部落因避建人來歸分置各鎮哈台  
吉等百余人居定邊文詒剿山西盜頗得其力自寧塞告變  
文詒回秦夷丁謂定邊空虛潛購套虜以畔幸文詒內戰逐  
之城外

叛兵攻萊州楊御蕃戰失利入萊城見攻不休



張應昌擊黃友才斬百三十六級賊又攻環縣吳姓駐慶陽  
斬百三十六級賊奔追斬五百八十餘級黃友才崔大進俱  
伏誅

戊辰總兵王洪潰於新城回萊州

二月己巳相登萊巡抚謝璉入萊州

庚午德陵成進司廷儒少傅兼太子太傅吏部尚書建極殿  
大學士溫蘇仁吳宗達少保兼太子太保戶部尚書武英殿  
大學士何如龍太子太保各賜金幣餘文武內臣賞賚有差  
辛未試御史吳彥芳言正人雖伏尚多邪類鴟班半擬如兵  
執御所奉曹于汴易應昌等續荐李瑾李邦華畢懋康倪思

杜文煥禦之始退而盜為魯所強半辯髮西走保安定邊遂  
空

己卯盜薄慶陽副總兵張應昌追反之擊斬百餘級圍始解  
庚辰盜掠合水官兵擊之失利

壬午高弘圖為工部右侍郎列漢儒為右金都御史巡抚四

川

癸未寧塞道寇復熾

甲申巡按山東御史王道純言三事曰分移駐新抚臣徐從  
治防臣謝璉不宜並城一移駐萊陽相犄角曰頃精兵孔有  
德所畏惟莒丁川兵耳合山東兵萬人保安天津兵四千人



若再得邊兵或川兵千人始可靖亂曰慎招安彼既叛止毋  
論招不來即來而收之保無奸人內應乎惟通策入登在彼  
招安為便也

丁亥海寧捍海塘成

山西盜熾

庚寅盜夜入鄆州兵備僉事郭應響出禦死

癸巳總兵曹文詔自定邊敗盜於南家寨斬百十九級

乙未盜四千餘犯武鄉殺守備張一龍又樂平鄉兵六百人  
禦賊而敗此曹文詔殺餘之賊也

三月戊戌朔辛丑工部右侍郎高弘圖上言臣部例有公座中

輝程紹劾章光岳呂純如 上以其朋比下彥芳執御刑部

獄坐奏事上書詐不以實律為城旦報可

癸酉叅將彭有謨以南兵三百入萊城共守初萊人乞援於  
總兵劉國柱國柱入山東境不進兵部督畫主事張國臣議  
抗中朝皆倚之謂抗成則萊園自解姑以援遼為名耳

甲戌故登萊巡撫孫元化海道宋光蘭監軍道王徵登州知  
府吳維城同知賈名傑蓬萊知縣蔡世英昌邑主簿李仲明  
等逃至天津俱叛兵縱之航海也巡撫鄭宗周以聞

張延登曰登州之陷初起於三方布置毛文龍遂雄據皮  
島劉興治黃龍沈世奎相繼已成唐藩鎮自立之勢孫元



化作抚遂成孔有德之变而東萊條矣總鎮內監再設再添  
遂致高麗折入建州沈志祥作乱而黃監軍殺矣善乎遠  
抚方一藻疏曰東島地處一隅一二偏將可供哨探之用  
乃大帥虛設群小交聚不盡殘東省黎庶未已也大抵禍  
患之來必有所自起非驟至也不有四路進兵紅旗催戰  
則遼兵不失不有三方布置遠將內用則有德何從反不  
有邊兵之調則流賊無自生不有遠逆嚮導則建州何敢深  
入而濟南何自陷前車覆矣後車不戒今日犹遵其敗輒  
為聖書何耶

丙子保安盜購魯八百餘騎夾攻總兵賀虎臣潰走前總兵  
尚書旁侍郎礼也內臣張彝憲奉總理兩部之命與臣部分  
賓主以辱朝廷戶部公座原以尚書長侍郎傳今加彝憲一  
公座則臣今日之為侍郎也傳尚書乎抑傳內臣乎臣不容  
下慎故謹接之川堂而公座毋寧已之雖大拂彝憲之意而  
臣不顧也且總理公署奉旨另置宜即設一公座以見朝廷  
之臣部公座仍還之臣部豈不名正言順而內外得乎予  
上以粮應到部驗核六堂公座事如舊例弘圖遂引疾求去  
不允疏七上削籍

談遷曰 思宗鑒魏氏之禍尽收璫柄中而借叢銜命四  
遣特据公卿之上高司空耻於陽事引疾堅往志節嶙峋



不污雖與日月爭光可也公座擬音當出且與聞司空引  
疾時宜與過候夫不優人以禮而私示款曲彼容悅之臣  
烏足論哉

癸卯 上幸大孝行釋奠禮先期徵衍聖公孔胤植五經博  
士顏光魯曾承業孟弘譽陪祀

兵部贊畫主事張國臣出抗叛兵巡抗徐從治奏其非計言  
抗使一出則攻城益急國臣曰戒不當繼城出擊以怒之也  
果尔必使叛兵任意攻圍我拱手以萊授之如孫元化之於  
登城而後可成國臣之抗乎當叛兵之過青州也日抗臣余  
大成擁兵三千追擊甚易元化遺書云賊已就抗兵不可東

以壞抗說大成如其戒而止反至登城知張燾兵已順叛人  
使領兵出戰又聽賊誰言開門揖盜致數十萬生靈盡為流  
血今萊城被圍或為之解曰吳橋激變有因也一路封刀不  
殺一聞詔使遂止兵不攻也吾誰欺：天子今元化入京又  
得國臣偽報盈庭集議以為一紙賢於十萬援兵絕跡賊此  
故矣臣必死守必不敢以抗之一言面謾至尊敗封疆而成  
民命也奏入朝議不以為然蓋周延儒主之上心動命兵部  
右侍郎劉宇烈總督山東軍務計之

己巳總督朱燮元一品考滿進少傅兼太子太傅  
孔有德以舟三十艘招皮島將陳有德有德誘殺二島將以



三十人入登州

丙午太監張英憲奏省直料值欠百餘萬命工部開教立限完納命戶部覈兵數額餉浮餉增於何自始於何年逐一開奏

丁未申軍機世滿之禁

戊申 穆廟德化李氏薨

己酉御史李應荐言 皇上謂太季禮先師始知國季為天子之季天子視季為國季盛事則向之禁止講院益為無名庚戌前戶部尚書張我續下法司追贓保定巡抚丁魁楚言其逆党遺奸也

癸丑命禮部祈雨

庚申命宋光祚督築李侍口決堤

壬戌賊自武安監陷華亭甲子遁

內丘縣偏鵠廟廣生殿火木石俱燼神鬚如故

四月戊辰朔庚午總兵鄧北王洪以川兵萬二千人自昌邑東援距萊城四十五里不進且通叛兵

辛未總兵曹文詔追賊張麻村共斬五百二十九級固原兵六斬一百十七級

丁丑曹文詔楊嘉謨追賊耀州之咸宜岡斬一百九十餘級己卯萊城兵出外搜糧夜掠凡四百人



副總兵張全昌擊賊耀州斬四百六十四級

壬午曹文詔揚嘉謨戰隴安司斬三百五十九級

癸未叛兵攻萊城西南隅巡抚右僉都御史徐從治中砲卒  
海鹽人萬曆丁未進士變聞予祭葬贈兵部尚書廕錦衣衛  
百戶立忠烈祠

錢謙益曰中樞條上方略固曰萊抗守萊東抗駐青調度  
公不入萊可也公不入萊必不死公之意以為東抗控壓  
全齊馳青不足以鎮萊人之心而入萊則可以繫全齊之  
命委一身於孤城示全齊之人以必死而劫之以不得不  
救是公之居萊者所以救萊也賊尽銳合圍累旬浹月慮

我師之乘其後必不敢解圍長驅是公之守萊者所以救  
全齊也雖然世知公以死守萊之為功而不知其以死拒  
抚之尤為功也賊以抗謾登以抗謾萊且以抗謾中朝而  
獨不能謾公、死之後則至於悔明詔戕命使而萊卒堅  
守不下公以死持之也故曰其功在萊登之抗疆吏主之  
萊之抗中朝主之公之拒抚非拒賊也而拒中朝也拒求  
抚之賊易拒上抚之中朝難以死拒賊易以必死拒中朝  
難故曰其功在社稷

癸巳曹文詔揚嘉謨於楊三川斬賊二百四十九級

甲午降盜叛掠米脂官兵擊斬三百十級始竄



丁酉夜江寧地震

是月紅夷千餘人築城彭湖

湖廣流盜自吳國入江西泰和縣

五月戊戌朔甲辰總督洪承疇自綏德至西川與延綏巡撫張福臻合勒解散脅從八百餘人擒斬四百餘級

己酉存問前太子太保南京工部尚書丁賓時年九十

庚戌群盜掘鉄角賊耕收時電傷稼之食野掠復攻合水縣知縣施喬栢固守

甲寅南京吏部尚書謝陛言賊屢以抚啖我而我堅以抚自愚不狼狽如此聞抚之一字尚堅持不化墮賊術中而不之

覺咽喉要地豈堪再擲也

己卯德王常邦清薨

庚申周府柘城王肅淳薨

六月丁卯朔曹文詔擊隴西賊斬百餘級

辛未曹文詔擊賊方山敗之共斬三百二十六級隴西餘孽始尽初賊千餘人以敗餘流劫隴西官兵失利執通判張廷極

壬申河決孟津口橫浸教百里

癸酉襄城尉氏密縣大雨水溢鄆陵至浸城

甲申職方員外郎華允誠上言三大可惜四大可憂刺温辭



仁閔洪季 上詰曰力允誠又極言其失謂私沈演曆世濟  
苛奪允誠俸

是月江西流盜自吉安攻抚州樂安掠崇仁

七月丁酉朔戊戌洪承疇擊賊延川斬二百餘級

福建海盜始流浙江過溫入台

辛丑總兵曹文詔劉秩角城賊中伏失利

壬寅司禮太監曹化淳提督京營戎政

速巡抚宣府右僉都御史沈肇時棟漢虎墩兔憨犯張家口  
求款市榮不以聞即咨書設誓宴資太監王坤以聞速訊之  
命禮部驗朝鮮使臣市物兵部主事却觀光赴會同館比市三

百八十餘件禁器城圖預為禮部尚書黃汝良參提督會同員  
外郎潘陳忠利其厚貨遂下獄戍鎮海衛

癸卯推官屈宜揚入萊城云叛兵且降欲一見防阮謝璉遂  
主款遣萊州知府宋萬年出諭孔有德等下馬迎拜萬年復入  
甲辰巡抚謝璉太監翟升偕朱萬年同出宣詔被執萬年亟  
呼開門叛兵即殺之推官屈宜揚得入遂自經午後叛兵引  
翟升至城下求登萊巡抚印不應而退萬年 人

貢士性勤敏預備糧芻設守具拒賊數月人心益固萬年  
力也是日妾生子人幸其有後事聞贈光祿寺卿  
己酉叛兵攻平度州



癸丑曹文詔楊麒等戰虎兒四共斬賊六百五十餘級賊始  
飢困

乙卯以馬士英為右僉都御史巡抚宣府

登州遠婦生子人身猴面二角雞足生即能言云八月日  
閔將軍助陣盡滅賊、面誥兇言如初殺之詣閔將軍廟卜  
不利毀其像

給事中馮元飈勅詹事府礼部尚書董其昌侍郎王應熊以  
黃汝良不聽私囑肆言傾陷何以為群僚表率也其昌乞罷  
己未誅孫元化戍吳維城秦世英於邊宋光蘭王微戍近衛  
癸亥紅夷犯福建銅山

甲子兵科都給事中汪

勅總督劉宇烈用推官屈宜揚

令往萊州諭叛兵亡叛兵款見謝璉此宇烈縱寇毒而犹委  
罪謝璉以希自免方宇烈受命叛兵初無悔禍宇烈一欺謬  
希抚局奉旨不得玩泄終不聽也因而陳洪範購叛兵鄧玘  
築昌邑城自固并不問萊城請兵則真定保定未足也索川  
兵未足更索關外屬夷自春而夏自夏而秋宇烈之內寧足  
食批

張自烈曰孫元化余大成讎法玩寇堅持抚局一抚而黃  
縣失再抚而登州失萊州圍覆車任前三尺童子知其不  
可刻宇烈仍以抚自愚何也古今應變異宜戰款剿抚時違



為用然款可羈夷狄不可以秦畔賊撫可以誘飢民不可  
以貸逆臣今賊跋日酷賊志日驕即幸為我抚將使之征  
胡自贖此曹心懷不軌如虎傅翼潛与胡通為憂茲大將  
使之仍鎮登萊負隅一方盤踞難拔是唐藩鎮之禍再見  
今日也况彼負罪既深狡黠百出萬一不為我抚者哉律  
以朝廷紀綱不可抚衡以登萊時勢不能抚字烈並墮術  
中恬不知慮今日通書明日遣官損師辱國莫此為甚則  
深恨閭臣之謀國誤也周延儒輔政以來建倉弗靖山陝  
流寇繼之流寇弗靖東省叛兵繼之滇南閩廣到處騷  
延儒獨宴然不畫一策即登萊近事信一私昵之孫元化

以抚自愚東事既誤於始復用一庸懦之劉宇烈抚局不  
變東事又誤於終惜哉

總兵曹文詔等擊賊斬三百三十餘級  
流盜陷大寧縣

八月丙寅朔丁卯吏部尚書閔洪學罷

天壽山大雨水衝損慶陵寶頂前工部尚書姚思仁削籍

甲戌曹文詔擊賊於甘泉擒斬九十六級

乙亥斬四百三十六級總督洪承疇今脅從辮髮者先殺逃  
出環縣降四十餘人散者亦數千人官兵疾進又斬二百五  
十餘級誅其渠師餘散匿山谷廣恩殺其党來降齊一勳



郝惟端俱降請殺賊自贖

叛兵攻高寨

東路叅將牟文綬擊叛兵敗之

丙子登州叛兵欲航海先移家長山島官兵奪其路

丁丑套虜千餘騎窺甘肅涼州副總兵柳紹宗相希尹擊斬  
百二十五級

庚辰 皇三子慈炯生

逮小東總督劉宇烈以玩寇失事戍之

辛巳叛兵撤精銳入登州北城將甯道總兵吳襄遂擁衆先  
登

乙酉萊州叛兵遁官兵始抵城下復招遠丹復黃縣始解圍

庚寅吳士元為國子祭酒

寧夏地震有聲

癸巳李長庚為吏部尚書

是月寧武兵潰於大軍鎮

盜陷壽陽時大兵東追賊於沁水又破石樓澤州殺州人叅

政張光奎後贈光祿寺少卿廕監

九月丙申朔戊戌石中允兼編脩倪元璐引疾去

壬寅韓日績為禮部尚書康新民為南京刑部尚書

沈有德敗入登州官軍圍之



巡抚山西右僉都御史宋統般失事免

戊申張鳳翼為兵部尚書許鼎臣為右僉都御史巡抚山西左都御史陳于廷罷

以太監鄭良翰謝文奉扶進朝魏典盧文德提督京營戎政己酉流盜李自成陷脩武殺知縣劉鳳翔

庚戌華陽人李國泰故閩昔在京過兵部差官李國安領牌往四川雲南國泰代行詐稱東廠訪事內使入滇見即報許抚普召声即至阿迷川普召声宅傳旨訖十月庚午還臨安召声亦疑之詐於巡按蔡侃訊之始得其實以聞

丙辰傳宗龍為兵部右侍郎總督薊遼

庚申賊掠新鄉

癸亥磁州道祝萬齡以毛兵八百人逐新鄉賊走陵川

甲子登州叛兵出戰副總兵丁思侯中砲死

海盜攻浙江健跳所城半月去之犯温州之黃華磐石

西安縣雨穀其粒長於常稻差黧黑

山西流盜破臨縣：天險分守道潘光祖誤信招安致之賊魁王之臣掘其城李自成掠懷濟焚清化鎮河南巡抚樊尚燦以晋人之爭左良玉也奏言賊在山西垣曲漸近濟源請良玉近駐澤州此可以援高平長子東可以救陵川潞安西可以應陽城沁水為晋保境蕪顧濟源是豫患未甚劇也



十月乙丑朔南<sup>丙</sup>宣遠巡抚宣府右僉都御史馬士英以擅啓守  
備 又取都司庫六千金太監王坤察聞

戊辰曾文詔攻賊於生高泉斬八百五十九級於寧州斬七  
十八級再戰於三水官家洞斬二百十二級

庚午登州降兵六百八謀為賊外應机泄巡抚朱大典令回  
黃縣各給粟二斗輸登州塔山遠將祖大弼伏兵殺之

命前御史金声中書舍人王應遴脩曆法

張廷登為左都御史張鵬雲焦源清為右僉都御史巡抚順  
天宣府

壬申惠王常潤奏江陵知縣史元調誣盜虐宗至殞三命下

抚按逮入

己亥登州叛兵出戰中叔營游擊程仲文中砲死

戊寅官兵攻登城左翼營守備祖邦棧中流矢死

己卯定海兵擊海寇敗之

庚辰海盜劉香犯福建小岙游擊鄭芝龍擊走之

癸未安塞遺賊掠西川胡空延綏巡抚陳奇瑜委總兵王承

恩擊斬一百三十二級賊目喬六自斬其党魁以降餘遁延

綏稍安

丁亥周士樸為工部尚書

己丑叛兵入膠州海中



十一月乙未朔乙巳孔有德李九成以萬人出戰而敗棄登州九  
成中彈死

雲南阿迷州故土官普告妻萬氏子普福遠奏家奴龍得  
者邪構讐稱兵各聲雖故蒙恩宥遂縛二奴斬叛党百三  
十二人亟首以獻

十二月甲子朔故大季士李庭机加贈少傅子榮順入監

丙寅登州叛兵航海半至黃縣

丁卯曹文詔戰耀州斬賊七百三十級於翎子山斬七十八  
級餘北走進藏略盡其潛伏鳳凰山者漸集

戊辰御史吳姓言河決及及祖陵而責河道尚書朱光祚同

漕運李待問勘奏

甲戌命順天尹祈雪

停開納事例詔曰朝廷分職設官原以任賢用能非可別開  
俸濫乃十餘年來軍務湏興群議足餉計臣條奏輸資並與  
選授雖少助國家師徒之費然一時偶屬私宜事久必滋弊  
蠹吏塗紛雜名器混淆有賢即可博官才品俱在勿論甚而  
培克取償階厲已甚朕方慎稽流品抚恤痼瘼而開納不除  
則源之不清流何能潔茲特諭各行停止不得再行援納

總督張宗衡巡抚許鼎臣同逐臨縣賊：轉入磨盤山：方  
六百里閔正虎掘交城文水以窺太原而滿川掘其城向陽



以窺汾州陳光道以秦兵豫兵元兵及集澤潞東南遂乘虛掠東北從沁州武鄉遼州榆社入榆次又入壽陽距太原不五十里許鼎臣徹臨縣之師更顧根本矣

乙亥命總督河道尚書朱光祚督守臣脩築淮揚決河戍寅嚴皇城守衛

庚辰南京禮部主事周鍾請撤太監張異憲略曰內臣用苟而撤難此從來之通患今見因內臣而疑廷臣者多矣用廷臣而疑內臣無一鳥如燕憲用而高弘圖之骨鯁終不可容矣至如金絃孫肇與魏呈潤趙良曦曹文衡王弘祖馮師孔李曰輔之激直然開元之慷慨悉皆在處未能收指尤可歎

者每讀邸報半屬內侍之溫綸從此以往鍛鍊臣子委棄夫言祇徇中貴之心將不知所極矣上怒削其籍禮部員外郎袁繼成疏救不聽

夏允彝曰 烈皇帝大阿獨操非臣下所得竊用而海當奉措則內璫發其端以陰中而不覺也若滿朝之用舍榮枯一視首揆之趨向亦似為所陰移而不覺者當初政時不許內璫與廷臣交一私語廷臣遂忽璫輩不足顧而故東林者默結之日以朋黨之名中於上其時以通內自詡者史塗也輔臣錢龍錫之獄皆史擠之及其得去錢自云百大璫實心寬之不然必無生理溫辭仁之陷錢謙益於



獄也謙益去死如髮大瑞曹化淳憤而發奸棍陳張之陰謀陳與張立枷死而錢釋矣薛國觀之死也嚴瑞王化民實為之而周延儒之死也則又小玉瑞怒之也廷臣通內漸亦不以為醜曹瑞之喪其父也大臣與言路多往致祭焉小玉瑞喪卹大臣亦多往送甚有倡為傳單者揚下之諱其几卿不往惟鄭三俊程國祥耳庶耻道喪國事安得不敗然此時瑞輩特陰為播弄耳其畏上英明實甚也甲申胡沾思為右僉都御史巡抚大同

乙酉鳳凰山賊斬其魁却惟瑞以降諸將分領入營近宜君已丑命右少監劉夢泰提督几門

壬辰有飯釜戴木甌飛霍山縣前市民陸和家

令百官進馬三品以上各一匹餘或合進俱納御馬監不過賞金買之本監也否則外入雖駿驥亦却之

是年命醫祠廟倉舖

莆田知縣張拱机徵賦激民變免官下臺訊

癸酉崇禎六年

正月癸巳朔大風霾日生兩珥

丁酉流盜闖入畿南距順德百里時盜之大隊尚在山西零騎數百分為二道一北向窺固關一南向懷慶衛輝盡遭蹂躪矣給事中孟國祚言畿南咽喉重地順德為大今晉有



曹文詔張應昌豫有左良玉鄧玘賊將何之乎昔之秦毆於  
晉：毆於豫者今轉而毆之順德矣

庚子運舟出天津海口颶風覆之

壬寅盜在邢臺於三省交界摩天嶺窄道山崖羊腸小徑直  
犯武安

癸卯人犯陽城叅將芮琦守恪王繼統死之

乙巳曹文詔剿賊霍州值賊萬餘渡汾河擊斬二百三十四

級

丙子張我儻論死追贖十八萬有奇

史可法為江西叅政

丁未總兵左良玉破賊於涉縣西坡斬其渠賊望其旗幟皆

靡然耽：未忘中州也

辛亥京師大雪深二尺餘

工部郎中孫肇與下獄

癸丑復臨縣叅將劉光祚功居多光祚前被逮得釋初分守

道潘光祖誤信劣生梁明倫招安致城陷明倫約永寧山賊

劫我營難民縋城出報官兵詐為陝賊至山中斬之尋逮光

祖

錦衣衛右都督田弘遇乞肩輿不許謂勳戚加恩不得自行

陳乞



甲寅留兩淮鹽課十萬充餉容兵

乙卯蔡夾琛為刑部右侍郎

丁巳曹文詔擊賊孟縣斬九百十六級時圍孟縣

戊午前御史黃宗昌削籍

己未大季士周延儒以宣府閱視太監王坤疏奏乞罷不允

庚申遣催外餉十一人

辛酉馬鳴世為南京右僉都御史提督操江

壬戌大風霾

曹文詔追賊壽陽斬四百四十餘級

二月癸亥朔建昌軍沈季之家生豕二身一首八蹄二尾

黃道周陛辭奏臣自少學易以天道為準以詩春秋推其運

候上下載籍二千四百年考其治亂百不失一臣所奉本於

周孔無一毫穿鑿其法以春秋元年己未為始加五十有五

得周幽王甲子其明年十月辛酉朔日食以是上下中分二

千一百六十年內損十四得洪武元年戊申為大明資始戊

申距今二百六十四年以乾屯需師別之三卦五爻丁卯大

雪入師之上六是 陛下御極之元年止當師上六其詞曰

大君有命開國承家小人勿用自有易詞告誡人事未有深

切明著若此者也凡易一卦直六十七年零一百五日一爻

直十一年零七十七日有奇合歷十分之四矣



丙寅叅將猛如虎擊賊解愁村斬五十級

戊辰曹文詔追賊於固莊賊北走斬五百級於碧霞村斬二百五十餘級巡抚許鼎臣請文詔在平定是太原之東也李卑佐之張應昌在汾州是太原之西也賀人龍佐之餘為游兵

呂左都御史張廷登曰風紀重地向來考核御史之法不能實行今察吏安民莫先考核卿其勵之

庚午呂廷臣於文華殿謂左副都御史王志道曰遣用內臣原非得已朕言甚明何議論之煩也王坤疏朕已責其率妄乃廷臣糾劾莫不牽引內臣豈處分各官皆為內臣耶對曰

王坤叅及輔臣舉朝皇：為紀綱法度之憂內臣既可糾廷

臣，亦可糾內臣：為法度惜非為諸臣地也 上曰朕見

廷臣於國家大計不之言因內臣在鎮未便作弊借王坤疏杖制朝廷誠好巧也且文武各臣朕未嘗不用因其蒙狗勉用內臣耳周延儒等請優容 上色稍霽延儒曰志道非專

論內臣實責臣等溺職 上曰朕掌不修敢名立論何堪憲

紀命志道退語吏部尚書李長庚兵部尚書張夔翼曰吏兵

二部用人根本用一官輒賄借京債赴任安得不腹民卿須盡革其弊文選取方二司尤要

辛巳沈珣為右副都御史巡抚山東



壬午曹文詔戰大谷斬三百三十級賊亦餘走垣曲

丙戌應天解段四千三百三十四匹承運庫太監周禮驗退  
二千六百七十八匹責改造於是應天府尹啓士龍言通判  
成克延督織造亦引咎

賊氛益熾屯輝縣之百泉書院三日尋北踞林縣山中於是  
趙村飢民相望而起河南兵七千先後失亡殆盡左良玉勢  
成孤注不得已請鄧玘兵

丁亥流賊再化濟源懷慶中軍曹鳴鶴以兵千餘敗沒

戊子山海關永平大雨水壞城郭田舍人畜亡笑

垣曲典史秦宗文以義勇百餘人逐賊聞喜死之

辛卯曹文詔斬榆林賊二百四十三級文詔屢捷惟山西總  
兵張應昌逗遛不進於是賊渠王自用從榆社敗北奔恭將  
艾萬年賀人龍斬之

諭都察院曰近來民窮多盜皆由親民之官貪殘所致妄取  
民財彌縫津要所以舉劾不當貪人得志小民愈苦近聞近  
畿州縣未徵錢糧火耗先比又於此外巧立名色不論有罪  
概加罰贖取民物不償其值或因小事以赫取或听胥役以  
剝詐甚至逞忿酷斃無辜種害民難以悉數即命巡按御  
史速行體訪擬實具奏不許寬庇隱徇朕如別有所聞一體  
論罪又諭禮部曰設科取士專為求賢近來士習日偷貢奉



夫當此皆督奉司教董率率方培養無術以致朝廷不獲收  
用人之效朕思人才必宜首重德行如果孝弟廉謹自然不  
貪不欺尽忠竭節何必專工文藝按會典提奉勅書內敦尚  
行誼以勵頽俗不專論之優劣近不遵行至小奉反州縣社  
系原欲養蒙儲才近不與奉士子惟以富貴為志竟不知立  
身脩行忠君愛民之道如此教化不明士風吏治安得不日  
趨於卑乎朕欲童子必入小奉遇試先核德行自儒士以及  
鄉會須必有實行方許入場異日敗行考官併論文教官為士  
子師長化導最親近來衰庸充教教術全廢此尤士風不止  
之源今須設法興起至于四海之大豈無潛脩碩德積學弘

才清直剛方實堪大用者更宜特拔一二以示風勸科道不  
必專出考選館員須應先歷推知并酌議來行

三月壬辰朔玄默為右僉都御史巡撫河南

辛丑賀人龍誕闕太原兵變其兵半潰

壬辰曹文詔追賊於澤州斬三百六十級

癸卯左良玉敗賊於林沿溪橋斬七十七人

常自裕請調鄧玘川兵四千人協剿

丁未會同館火藥災

曹文詔戰沁水斬四百九十級

庚戌初考廷外官屢命嚴核逋稅革亭知縣鄭友玄預選缺



額下友玄刑部獄戶部郎中蘇夢龍請外

辛亥旌岷府鎮國中尉金鉅孝行

初刑科給事中陳贊化劾大孝士周延儒以游客李元功醫官張景韶通賄禽下元功鎮撫司延儒奏辨贊化又劾言前中書舍人吳之瑞條議鹽政奸商徐一清等賄之瑞三千金延儒万金游客李元功亦五千金元功繫書役結納延儒納賄招权臣鄉湖廣副使張鳳翼前於崇禎四年夏述延儒語去輔李標上先允效余封还原疏上遂改留余有回天之力看来今上是義皇上人此語豈徒小人之輕泄乎至借停刑以罔利此通國所共聞也刑科給事中李世祺為

証贊化又謂延儒託中書李季禮過臣寓臣拒之季元功借威嚇人泄旨市利張景韶賍發之日延儒登臣門通刺則輔臣幹旋可知而彼之私延儒又可知也景韶賍多俸免提訊非延儒乎其稱皇上為義皇上人臣不知何解李世祺亦奏延儒屢有此言第恐輕泄不敢耳

甲寅前高平知縣喬淳給事中楊時化俱奪職逮入京訊之賊破上津縣

丙戌夜賊陷鎮安執知縣趙瑞庭後釋還以城印俱失逮之丁亥大風雪雷電

是年陝西山西大飢



總理戶工二部太監張彝憲請入覲官投冊以階體統許之  
淳奏楊時化嘗為庫吏帝廷棟居間臣不聽故効臣也

丙辰蜀賊攻蒼溪不下遂走廣元同知張鵬起戰二部關大  
敗殺守備張應甲黃朝奎

吏科給事中劉斯峽劾稽勳郎中牟道行驛驛官急選自  
掣籤私改乞褫斥之

丁巳張應昌擊賊斬二百十九級擒十人

戊午吳平知熙楊天際入覲至陝州乾濠鎮值寇創甚并失  
稅金千四百有奇各州縣入覲官俱阻巡按陝西御史范復

辨以聞

己未蜀賊攻百丈關守備郭霽辰陳中敗沒

庚申官兵戰龍潭斬百餘級被圍而潰賊圍廣元七日

辛酉六安州梳源縣大風雨雹傷麥

發十萬金命御史陳乾陽賑山西飢 鄧陵雀巢樹上形如鵝  
爪百十為群共巢一

四月壬戌朔苗胙土為右僉都御史撫治鄖陽

丙寅賊破平順殺知縣徐明揚

壬申官兵敗賊於武安

癸酉張應昌敗賊斬一百八十四級擒十二人

鄭芝龍剿劉香於雷州

乙亥曹文詔敗賊陽城斬一千五十餘級文詔移大同總兵



合剿流寇兵部令副總兵李早以臨鞏兵張應昌以寧武兵  
二千餘人至鳴謙驛逃四百有奇

姚士慎為南京刑部尚書劉定國為南京工部尚書

孔有德耿仲明由蓋州降於建州初仲明弟仲裕陰通建州  
鎮守東江總兵黃龍計誅之及登州陷龍家死焉又撫定  
鹿島長山島旅順島各誅其黨龍守旅順計有德必逸必  
道旅順奔建州果至遂擊大有斬獲擒毛有賢承祿等前登  
州大器大砲與精其技者皆歸於建州矣

庚辰石砬叅將烏鳳儀邀賊於永年縣之義城被殺

辛巳各京省積虧鹽課三百二十餘萬命有司如數全解否

則指名叅處金花銀積負分見徵帶徵勒完

禮部尚書黃汝良上昭代樂律志致命付史館

河南西路盜自輝縣清化鎮游擊越効敗沒左良玉擒斬六  
十餘人其武安東盜游擊陶希謙繫之亦敗沒設河南不塞  
太行之險揖賊使八不得無罪河南鄉紳奏請陝西總督洪  
承疇提督山西河南軍務部設移承疇駐潼關為三省交地  
監制晉豫二撫并曹文詔鄧玘張應昌三鎮  
弟假晉豫二撫事叔立限三月平賊  
上不允

壬午命司禮監太監張其鑑郝純仁高恭性韓汝桂魏伯綬  
等赴各倉同提督諸臣盤驗收放



癸未承運庫太監奏段匹欠數十萬命有司勒限輸上

甲申故萊州知府朱万年子榮莖立祠廕監巡撫謝璉復原  
級加兵部右侍郎

乙酉賊犯沙河臨洛官兵拒解之

兵部請三省撫臣親在行間晉撫同曹文詔入陽沁山中道  
臣王肇生同張應昌入潞安山中豫撫同左良玉湯九川直  
入星軹驛同鄧玘由武陟直入少陽關保定巡撫同梁甫周  
尔敬入小西天等處其偏裨各選一知兵道府督之各剿報  
可

安南都統使黎維祺遣陪臣陳有礼楊致澤朱貢

已丑戶科給事中朱文煥劾周延儒重荷國恩毫無補救群  
喙交攻万無可留報聞

賊自順德至內丘由臨城直抵郝莊賊衆數万屯小西天山  
中內丘知縣王世泰擊於豹子口不利其弟世寧死之

前江城兵馬司指揮昌樂劉鳳慶去呂尽工繪聖駕耕藉之  
圖二首於東廠逮下詔獄

五月壬辰朔癸巳巡撫山西石僉都御史許昂臣以流寇恣掠  
請蠲積逋并豫免數年以後不許

甲午諸軍擊臨城縣賊連戰五日賊死千計仍歸小西天山

中



戶部右侍郎劉宗嗣等奏調兵勦寇非守城七近撫臣多派  
雄兵株守郡邑意城地忘恙可道失事之責不知賊野掠宿  
飽何用攻城北名為防寇實同縱寇蕩平無期病全在此請  
城守付有司率其丁壯馮高設險調兵專主援剿

戊戌侯恂為戶部尚書鄒茂華為右副都御史巡撫廣西  
庚子雲南曲靖府土舍安邊與安其爵其祿同祖兄弟也其  
爵世烏撒知府其祿款仍受雷益知州脩好巡按蔡侃解諭  
之懼聽命

壬寅插浪虎墩克愁同套虜五萬餘騎自清水橫城分八守  
備姚之獲等不能逼臨河堡參將張問政沙井驛副總兵史

開先岳家樓守備趙訪皆逃遂薄靈州總兵賀虎臣以千騎  
入守已已出戰敵移入屯堡連屯數十里殺掠慘甚上怒  
巡撫耿好仁尋逮之

癸卯賊出畿境

甲辰西安知府陳龍鱗有罪下臺訊

丁未起惠世楊蔡國用大理寺左右少卿

戊申賊薄衛輝人心洶懼撫臣馳救始安

守備梁陳南剿連州往賊死州

己酉諭兵部流賊蔓延各路兵將雲集一切功罪勤惰應有  
監紀特命內中軍陳大金閻思印謝文奉與山西內中軍孫



茂林會各撫道分入曹文詔張應昌左良玉鄧玘中軍監紀  
功過督催糧草仍尋內庫發四万金蟒素紅段四百匹紅素  
千已軍前立賞

庚戌延按副總兵張應昌擊延綏西路賊於負小川斬四百  
十五級西路稍寧

壬子套虜西犯延綏定邊營官兵擊斬一百二十七級

丙辰總兵鄧玘擊賊善陽山大敗之賊為奪氣

己未左都御史張延登劾巡按河南御史魯倜坐視慘毒規  
避脫卸且屬官不職朦薦不科 上是之逮入法司

庚申賊陷汝縣已走黎城

二科給事中孫晉上言徐邛而下至安山無歲不害而最劇  
莫如蘇嘴建义等処宜亟講求疏塞之方此天下兵餉通塞  
之間也

六月辛酉朔壬戌命太監高起潛監視錦寧兵餉張國元監視

山永石塘等路綜核兵餉犒賞軍士

乙丑川兵潰於林縣毛兵殺傷甚衆潞王常浩告急乞撫臣

駐衛輝調度

吳偉業曰涉林安輝等縣一山所綿亘也賊屯結於林縣  
絡於輝旁分於涉滋蔓於安其在濟源之賊又北從陽城  
西自垣曲而來此另一黨也當是時左良玉鄧玘之外再



有湯九川京軍以羽林飲飛之士從中下拒而殲之賊成擒耳延至冬月河水復堅賊竟由澠池南渡河北無一人追賊者嗟乎三晉地形險固河北山川犬牙相錯閭外諸君并心滅賊辟如逐鹿於園中探凡於囊底飛走路絕形屈勢窮乃縱使渡河魚爛土崩不可復救當事者謂宜塞太行之口而不知斷黃河之津君子於六年十一月澠池之事未嘗不撫卷大息以為此中原之所以潰國家之所以亡也

丙寅紅夷犯漳州明日突攻中左所官軍失利

丁卯戶部言冬糧奉旨蠲免二分今有司多徵十分命查奏

棟後虎墩兔聽犯延綏

遣文武大臣禱雨郊壇

己巳天津保定大風雨傷稼壞海運船失米十萬五千六百石蓋六萬五千九百二十三石

庚午延綏西川降盜王成功乘邊警糾眾復叛於西川掠雙湖峪延綏巡撫陳奇瑜總兵王承恩方禦幕即分剿于王家全斬百四十餘級

辛未套虜犯靈州橫城

祭酉流盜臨和順殺典史薛君相

乙亥王承恩擊賊於膈膊峪斬八十八級王成功殲焉時又



大雨西川平

大孝士却以偉卒上饒人万曆辛丑進士以偉孝極博歷官三十年難與他謀昼而居心平恕疎於世務嘗票重罪疏有何況字誤以為人名擬旨提問上駁改乃悟由是有館員須歷推知之諭輕變成法大啓營競此亦治亂之一閏也卒時篋中僅三金子祭墓贈太子太保謚文恪

戊寅延安知府張允恭為蒼頭齊守禮所絀

庚辰大孝士周延儒羅始温體仁与延儒深相結延儒援之以進呈是體仁將奪其位太監王坤劾延儒奉朝爭之體仁無片言相助及王志道台对上語延儒曰卿昨辨王坤疏

日後好入史書又坤訐二十餘則皆有蹟上恐起爭竟皆中於是即義皇上人一語窮語不已實則王坤之言也凡与延儒為難者體仁皆援之以進助延儒者皆誣焉延儒性警敏稱上為義皇上人其說有概遂不可解命行人王芝瑞護行

壬午海盜劉香犯長樂

甲申上以戶工二部外逋一千七百餘万當今科道分催時督餉方裁故下部院酌設部院請但查叅完負罷不遣是月河南大旱密縣生旱魃澆之乃

七月辛卯朔大風拔木



壬辰賊屯武安

五經博士曾承業論死革職

癸巳四會縣典史李逢時剿擒賊死之

以陳應元為右副都御史巡撫登萊

乙未賊屯彰德沙河命太監閔思印同張應昌合剿汾陽知縣費甲鎡以逼迫苦供死并死

丙申賊陷山西樂平縣

交夷窺住欽州累把總何一龍諭退之

召兵部尚書熊明遇等於平臺諭沈際通揮漢斯拉辱國明遇對曰天語嚴毅臣等不勝惶懼退而思之在邊臣處置失

平耳於天威無損也向報建州率五六萬人而西揮漢號四

十萬且遠避之五月簿宣府六月初簿大同相持數日復薄

宣府繼報七慶等首領精騎而東薄張家口挾賞宣府通官

與宰賽講折講訖即徙幕而去至七月朔撫臣沈際手書曰

青冰為哈喇慎諸部現在墻下與撫夷官收然道故往諭之

啟其悔心兼可携達州之党明旨雖嚴不亦倚邊臣之難乎

明日見密封監視王坤奏甚駭之又副總兵宋守義報有誓

稿即奏聞其誓中二語最不倫怒觸怒刑之今揮漢臨邊拜

耳而去俱 皇上威靈所及至意云辱不過謂誓稿數語耳

漢唐莫主於塞外慢書皆置不理即本朝款貢言語豈能及



馴邊臣卻而不奏令此奉實不成盟中軍都司等官与之頑  
頑講誓以捐俸犒勞為詞未聞朝廷裁處於天威何損哉初  
棟漢屯膳房堡沙嶺時撫夷總兵王世忠巡撫沈際因私搗  
三千金棟漢鑽刀說誓事聞上初犹豫熊明過力為請上  
以問周延儒伏地不對者久之上乃不允以誓文中朝廷  
与棟漢並體尋逮際遣戍罷口北道兵備范鏞赤城道刘义  
瑤

建人陷旅順島殺征魯前將軍總兵黃龍

戊戌命行人徐象美召旧輔何如寵

庚子叙内臣宇萊功徐時得程升各簪錦衣衛正千戶餘陞

賞有差

辛丑夜賊入永和平守備胡貢中擊走之賊奔吉州

癸卯棟漢十騎犯延綏清邊官兵擊斬八十四級

己巳曹文詒擊賊濟源斬六百四十四級

命太監魏如監視登景兵餉

戊申曹文詒敗賊於孟縣斬二百三十九級

庚戌總理河道工部尚書宋光祚免以淮水薄祖陵復逮之

癸丑巡抚山西右僉都御史許鼎臣免

乙卯徐光啟復官進太子太保文淵閣大學士蔭中書舍人  
吏科給事中曹履泰下獄吏部郎中王三重侯事明奏奪以



彭澤知縣張子廉陞運同監生項珍居間而履泰書囑三重  
及考功負外郎弓省矩也省矩予告還里亦下獄履泰戍雷  
州省知在獄自經

己未戴君恩為右僉都御史巡抚山西

總督漕運戶部尚書李待問罷

逮河東道副使曹如麟以誦漢入犯也

八月庚申朔壬戌會推閣員何吾驎錢士升姜曰廣賀逢聖林  
鈺姜逢元李康先孫慎行孔貞運張廷登

癸亥劉崇嗣為工部尚書兼右副都御史總理河道  
巡抚河南右僉都御史樊尚璟以侈侈飾報削籍

賊復犯沙河之丹井入邢臺大嶺

乙丑諭田賦定額於是戶部尚書侯恂言賦役全書款目錯  
雜田畝丁口又率不得原額增減多少何由稽考莫若以萬  
曆會計錄為模今派遠餉另立一則庶攢造為易

丙寅官兵擊沙河賊斬七十一級

庚午楊一鵬為戶部尚書兼右副都御史總督漕運巡抚天  
津

辛未巡抚浙江右僉都御史羅汝元以多海盜削籍

乙亥張應昌擊王剛賊斬八十七級

丙子叅將艾萬年戰岳陽斬三百四十七級時西岫降丁零



盜教有斬獲

戊寅喻思恂為右僉都御史巡撫浙江

辛巳設城張家灣從給事中林正亨之言也

湖廣大旱

壬午兵部請復古星世廕不許

賊屯元氏縣

丙戌總兵梁甫擊賊元氏之石家溝斬一百三十餘級

潞王常潯叅衛輝知府苗自成闕祿藐肆命逮之

九月庚寅朔賊犯平山縣

己亥張應昌剿豫賊之逆晉者于平山斬百六十級獲賊魁

張有義即一盞燈也賊以河南畿內山淺山西深險可巢也

孝義縣山賊來降

大盜王之臣等衆五六千人乞降監紀大監許之

總兵左良玉副總兵湯九川擊武陟林縣賊京兵協剿連敗之斬百十二級十月朔復斬百餘

壬寅命沈世奎為總兵固守皮島檄諭朝鮮世奎日遣叅將

程龍檄皮島宣布朝廷德意因至朝鮮

甲辰夜懷寧大盜越獄六十一人遂逮安慶衛指揮俞事方

久乾知縣劉之玄

戊申規寵以原官總兵鎮守登萊防戰



庚戌以錢士升為禮部尚書兼東閣大學士直文淵閣馮英  
為刑部尚書唐大章為南京禮部尚書

是秋襄城縣莎雞其形小於鳩大於鶉土色无蹄不樹栖自  
西北群來以萬計續過不絕至冬止俗呼煞雞本產沙漠因  
胡人遷徙不常失其託飛入塞內識者以為兵兆也

十月庚申朔甲子登州雨雹

大學士徐光啟言治曆已有成書課功合應實核蓋修正曆  
法彈四載於茲與該局諸臣及知曆官儒脩改測候等書及  
先後所造儀器已經上聞見任臣工勤敏勞瘁敢分別叙之  
徐光啟又言己巳孟秋奉命督領修正曆法至辛未春進曆

法書表者三共七十二卷日躔月離恒星經緯日月交食各  
種略備今至丑月令諸臣推算得各色立成表二十卷日躔  
交食及土木火星曆指草稿六卷雖曰草創似為成全恐稽  
大典則用人難緩方今臣所知者如山東巡抗宋大典陝西  
按察使李天經有封疆方面之責不得不於庶僚山澤中求  
之博訪數月得原任御史金声博綜理數大理寺評事王應  
遶等士通曉且數請脩歷堪以委用即未完可計期而竣矣  
因繳曆法勒印尋召李天經督理曆法

乙丑以淮水薄祖陵設擇術者改築山橋道

丙寅巡抚福建右都御史鄒維璉兵部右侍郎不赴



丁卯賊犯趙州及寧晉南宮

山西賊自沁水乘水渡閿鄉越嵩山

戊辰大孝士徐光啟卒海上人萬曆甲辰進士博學善星曆性行淳謨予祭墓贈太保謚文定

庚午兵部以五臺山數賊且近塞龍泉關屬真定則梁甫不得畫疆蔡家峪屬大同則曹文詔不得坐視而張應昌有地方之責更宜援摠汛掃云

賊犯行唐靈壽平井

丙子工科給事中文士昂請停刑

丁丑游擊白安破五臺賊巢

戊寅總兵鄧玘擊平共賊敗之賊走五臺山

己卯禮部尚書林欲楫言今天下所最患者曰官貪曰民窮

曰兵弱臣請略陳之夫官之貪本源濁也 皇上懲請託贖

賂之弊法非不嚴顧巧者或藏徑實險者或捏風影直景不

如端果宣流不如澄原昔魏主丕患貪墨成風刑不能禁及用

毛玠典銓住路肅然魏主曰孤之法不如毛玠之令今之秉

銓者誠絕黃緣之路則銓政之法自清民之窮者本業微也

國家歲額四百萬石仰給江南今江南民力竭矣臣渡江而

北濠徐責齊以抵畿輔榛莽極日其民轉徙無常溝洫之制

耕藉之事不知也宜募江南貧民就耕北方官給牛種每夫



授田若干俾為世業三年始征有司巡行阡陌疏通水利其  
密迹河淮者鑿渠引之以省汙溉又就窪處多濬湖塘旱澇  
有備使西北無一耕之田即歲漕可漸省也兵之弱者訓練  
非也今之團操灑上兒戲耳必歛化弱為強宜於練兵之時  
寓選將之法如十人為一隊先令十人課其膂力騎射擊刺  
而甲之有才過十夫即補隊長十隊為哨再令隊長有才過  
十隊者即補哨長十哨為總自把總而上必久歷行間實有  
勞勩而兼閑韜略者方適迂叅游以至大將：取於兵更不  
他索兵伏其將更不相猜按隊而十人具按哨而百人具所  
以杜虛冒也臂指相使隊伍不乱所以寓節制也平居則隊

與卒同甘苦哨與隊同甘苦遞而上之皆然情意相孚故無  
尅削鼓噪臨陣如隊長先敵本隊不敢者即斬本隊哨長先  
敵本哨不敵者即斬隊長遞而上之亦然令無觀望退縮化  
弱為強法莫善於此至若孔有德尚在旅順海上隄防倍且  
加必皮島孤懸恐不能獨支宜令登撫擇南之水師兼善大  
器者俾與皮島將角亦牽制建人之一助也

庚辰張應昌敗賊於五臺之清涼莊斬一百八級賊走平山  
大盜王剛乞降

癸未揀漢犯寧夏

甲申趙州賊至寧晉阻清水河不得渡南宮被掠甚係總兵



梁甫在獲鹿喻期始至賊乙至栢柳西歸五臺山矣五臺山  
周回数百里東通凡輔北枕大同西接鴈門南連太原賊扼  
顯通寺窟於中臺其中薪糧廬舍皆倍險阻足恃官軍雖云  
夾擊其實未嘗夾擊也

論曰 上素服御建極殿召閣臣相商溫體仁竟無所平及  
陝西華亭知縣徐兆麒赴任七日城陷論危 上頗心惻體  
仁默無一語竟棄市人皆寃之

十一月己丑朔癸巳王應熊何吾驎為礼部尚書兼東閣大學  
士直文淵閣

甲午恭將程龍抵朝鮮王京面諭國王李倬隨輸米二千石

辛丑錢士晉為右副都御史巡抚雲南

癸卯司礼太監鄭之惠總督東廠

甲辰棟漢部夷巴兒等五十餘人來降

庚戌洮州衛地震

辛亥兵部題保定河南山西巡抚會剿

壬子叙州定遠堡龍洞內忽有銅鼓声甲寅又有声先年奢

寅敢声聞三日崇禎二年二月有声水西兵犯永寧

乙卯賊佯乞抚從河陽驛乘冰渡河官軍追賊至河半渡冰

解軍實咸沒于河遂陷渑池河南通判袁勳遁四川按察使

刘永祚入覲通縣失勅書及御覽文冊賊分入漢中與平



丁巳勅獎朝鮮王李倬餉賜金倚

前太子太保南京工部尚書丁賓卒嘉善人隆慶辛未進士知句容稱循吏擢御史張居正欲令按遼東陷劉臺引疾不顧也歷官實心任事纖悉詳盡無遺力故聲績茂著泰昌初致仕年九十一予祭塋贈太子太保謚清惠

進溫辭仁少傅兼太子太傅吏部尚書兼建極殿大學士廕中書舍人

戊子山西巡撫戴君恩擊賊武陽斬二百五十餘級又剿吳嵐之賊於沈落斬一百七十級

山西垣曲山中賊漸薄濟源

十二月己未朔賊陷伊陽

國子監進二十一史

庚申賊陷盧氏縣

兵部議調貴州鎮營兵五千禦流盜於襄陽德安

壬戌全順天尹禱雪

己丑督脩曆法陝西按察使李天經上曆書

唐府內殿再火

丁卯賊犯孟縣和順孝義降丁復叛者七百人

戊辰賊抵王屋山犯西陽約二萬人官兵二千餘砲卻之

賊掠浙川攻內鄉內鄉知縣艾毓初死守孤城用擣地龍於



城外城中以火線引之少頃火起燒死賊魁無算賊鋒少挫  
遂犯竹山光化均州賊自此從合而之分羅汝才掠於楚邢  
紅狼橫於豫惠登相入於秦而李自成領勁兵入漢中

己巳吳宗達考滿進少傅兼太子太傅吏部尚書建極殿大  
學士廕中書舍人

癸酉賊攻羅山掠鎮平葉縣唐縣

甲戌賊犯嵩縣

劉宇亮胡尚英俱為詹事纂修玉牒

丙子賊犯南召

丁丑賊萬人犯伊陽官軍拒走之

賊掠汝寧之西平裕州左良玉稍有斬獲餘逗留不進

戊寅賊犯南陽

庚辰賊假進香客陷鄖西縣掠遂平

辛巳賊掠確山徃信陽州蓋伊汝所由徃也京營兵至橫山  
追敗之

沁陽賊走南陽唐縣之阮玄默恐東犯汝寧移駐確山

壬午叙復登州功復巡抚朱大典原官進兵部右侍郎世錦

衣衛百戶巡按御史謝三賓進太僕寺少卿進吳襄都督同

知世錦衣衛百戶祖大弼祖寬都督僉事靳國臣張勳署都

督同知各廕外衛千戶吳三桂柏永馥都督僉事金良棟署



都督同知祖大壽左都督陳洪範太子少師鄧紀都督同知  
劉澤清右都督各外衛百戶餘陞當有差

癸未東江石城島都司尚可喜叛投建州時孔有德取仲明  
在迫力河治舟可喜因掠長山廣鹿諸島縛都司孫奠邦李  
承恩等

